




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3454/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3454/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3454/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3454/A

K

3454

A

MS XVIII 300553


P. xx


16/8

75.-



8 B. 1461.





IOHAN.
IESSENII
A IESSEN

PHILOS: ET MED:
DOCTORIS

ZOROASTER

*Nova, brevis, veraq; de Vniuersa
Philosophia.*



VVITTEBERGÆ.
Ex Officina Cratoniana
ANNO dñi M. XCHII.

ILI
MO
NO
VILH
Vina
m

10H



et.
cu
prim
ante
app
plati
abf
om
tun

ILLVSTRIS-
SIMO PRINCIPI DOMI-
NO DOMINO FRIDERICO
VVILHELMO DUCI SAXONIAE ET
Vinarix, Electoratus Saxonix Admi-
nistratori, Tutori, &c. Domino Cle-
mentissimo, Summa precatur

IOHAN: IESSENIVS
A IESSEN DOCTOR.

Nemo Philosophus nisi pius, di-
ctum grave, Princeps Illustris-
sime, dignumq; Philosopho
Hermetis illius Trismegisti
est. Quid enim Philosophia aliud quam
cujusq; Effectus Cause cognitio, atq; adeo
primi actus, à quo & post quem omnes,
ante quem nullus actus, vni, boni, veri Dei
apprehensio, veneratio: Hic totius contem-
plationis finis, ab hoc quanto qui longius
absunt, tanto impij magis & à Philosophia
omni alieni. Hinc vulgus, & literato-
rum nonnulli, dum vident Philosophiae
A 2 plea

plerosq̃ deditos, de religione non bene, non
pie sentire, aut non recte, aut nihil crede-
re, vulgato hoc, hic Philosophus est, in De-
um non credit, omnes vident Philosophos
dictorio. Impietatis sanè nomine apud me
suspectus Averrois Arabs qui in Mosaicis
scriptis demonstrationes desiderat: Pari-
ter qui vel ignoravit aut agnitum irrisit
Deum Plinius. Quare horum Philosophi-
am uti inanem merito vitare, monet Apo-
stolus. At secus longè quod maximè omni-
um admirandum qui ante Christi adven-
tum, ante Moysen, ante Prophetas Abra-
hami Synchroni (multis Philosophantibus
prob dedecus nomine etiam ignoti) Her-
mes Ægypta, & Chaldeus Zoroaster
vixerant Philosophati. Tam perspicuum
enim & absolutum de Trinitate, & sen-
sere & scripsere, ut vel ijs tantum armati
Hebræis, Mahometistis, recentioribus &
veteribus Trinitarijs bellum indicere, vin-
cere, victoriæq̃ triumphare possimus. Sa-
pientiæ huius fama moti Orpheus, De-
mocris

moeritus, Pythagoras, Plato, Aegyptum
ingressi, ab Aegyptiorum Magis, & qui
tum ab Aegyptijs duro servitutis jugo pre-
mebantur Hebraeis arcana Magiae didice-
runt: Qui omnes mundi Opifices tres con-
stituunt: Tot Reges Plato nominat. Plo-
tini libri omnes Sacram Theologiam potius
quam Philosophiam continent, qui sine im-
pietatis periculo ullo, pietatis adjumento
maximo cum Platonis Philebo, Timæo, So-
phista, Parmenide, Phædo, publicè in
Scholis sublimioribus doceri possent. Hos
enim mutatis paucis Christianos posse fieri
Academicorum lector studiosissimus. D.
Augustinus asserere non dubitat. Adeo
olim in Aegypto totoq; Oriente germinan-
tissima Trinitatis floruit herba. Eadem se-
culis aliquot ante à Prioribus tuis primo
Exotica, mox domi in vepreto Ethnicoq;
senticeto studiose coli cœpta est. Quanta
animi altitudine & constantia superioribus
temporibus Patres tui, hanc ab intollera-
bili meridiei aestu propriorum corporum

oppositu umbra defenderint, sua vig. rutæ
rore refecerint, rerum gestarum veri testes
pleni libri sunt. Nec tu ab a vita virtute
degener tria Celebratissima Europæ vire-
ta aliunde magno sumptu evocatis & altis
colis & excolis Viris, ex quibus universæ
Germaniæ horti alij amœni quod virent
auferunt. In ijslem & ego annos aliquot
pernoctans Magistris ducibus absolutissi-
mam plantæ huius ideam viriumq; notici-
am consecutus, alibi obviam veram nosse,
& ab adulterata discernere edoctus sum.
In hanc cum nuper Hermetis & Zoro-
astri hortos permeans incidissem, quanto-
perè visa lætatus sum, dici non potest.
Illam gratum antiquitatis rarum exem-
plum eruere, spectandamq; hortis, Prin-
ceps Illustrissime, Clementissime, tuis in-
ferre iustissimum visum est. Id enim
summus meus in te amor, debitaq; postu-
lat gratitudo: Inprimis verò divinitatis
studia juvando, propagandoq; præclarus
unus exigit nixus. Accipe hanc igitur,
Hes


*Heröa clementissime: nobisq̃ & literis
cum ruta perpetuo vire vltreq̃ Princeps
benignissimus. Dabatur VVratislaviae
die Beatae virgini natali. An.
no Christianorum.
cl. b. XCIII.*



A 4

IO.

IOHAN: IESSENII A
IESSEN DOCTORIS IN ZO-
ROASTREM SVVMAD LECTO.
rém Prefatio.

 Oroastrem totius huma-
næ sapientiæ Patrem,
Magiæq; inventorem a-
pud autores, Plinio teste,
consensus: E qua hic gente fuerit,
apud eosdem dissensus. Plinius cum
Laertio Persam: recentiores, è quo-
rum classe Ficinus Chaldæum fa-
ciunt. In cuius ego quoq; libentius
eo sententiam, cum quod Chaldaicè
oracula ejus scripta, tum quod ea-
dem lingua omnium primò inter-
pretata. Suidas longum ipsius scrip-
torum enumerat Catalogum. At è
tanto Philosophiæ naufragio, vix
enatarunt Sexaginta numero à Iuli-
ano quodam Chaldæo græcè facta,
verè divina Oracula, ante annos
quingenta Parisijs excusa. Hæc
supe

superiori anno Franciscus Patricius
singulare antiquitatis simulacrum,
& Academiæ firmum propugna-
culum ex Proclo, Hermete, Simpli-
cio, Damasceno, Synesio, Olympido
ro, Arnobio, ducentis & sexaginta
ferè petitis auxit Logijs. E quibus
fanè Dei Patris, Filij, & Spiritus San-
cti aperta cognitio: credibile de Trini-
tatis mysterio naturali lumine nō pe-
netrabili ab Abrahamo cōterraneo
& coætaneo edoctū. Tam mirè enim
factorem omnium, mundiq; Creato-
rem Deum celebrat, angelos agno-
scit, Paradysum prædicat, anima-
rum immortalitatem docet expres-
sè, de veritate, fide, spe, & Charitate,
brevia, sed eximia, quibus per gra-
dus quasi postliminio ad DEVM
reduces efficiamur, tradit dogmata.
Sed utinam Oracula eius habere-
mus integra, utinam Persarum
Chaldæorumq; veram in ea The-
A 5 ologi-

ologiam commentaria. At rudera
tantum supersunt, mirandi operis
argumenta. Ego accusandum, an
tempus magis, an hominum incuria
am, hæreo. Desine nobis Goropi
è columnis hieroglyphicis excæsis li-
teris recuperationis spem facere. Er-
ras & tecum omnes, qui Ægyptios
præter has nullas alias, inductus
credis calluisse literas. Etenim & co-
lumnas sculpsere, & libros scripsê-
re. Hos in arcanis à vulgo abscon-
derê: illas populo tanquam Civi-
lia & Moralia continentes præcep-
ta spectandas erigebant publicas.
Id quod ex Hermete patet. Facile
(ait enim) isti (de Osiride & Iside
loquitur) arcana scriptorum meo-
rum omnium agnoscent & discer-
nent, sibiq; privata continebunt:
Quæ verò ad mortalium benefici-
um tendunt, columnis atq; obelis-
cis insculpent. Vnde Pythagoram
&

& Platon
Philosop
dicasse, I
& Theo
crossesse
ipsi po
verli, n
dia, ne
sed int
Id quo
pistola
losoph
di m
Zoro
quod
tūm
Mag
fuert
nefan
lorum
Sed
seret
res

& Platonem è Mercurij columnis
Philosophiam (civilem intellige) di-
dicisse, Physicæ verò, Matheseos,
& Theologiæ à Sacerdotibus edo-
ctos esse, refert Iamblichius. Qui &
ipsi postmodum in Græciam re-
versi, non quibusvis Sapientiæ stu-
dia, ne invulgi manibus vilesceret,
sed intimioribus tantum credidêre.
Id quod Platonis ad Dionysium E-
pistola; Et Hyparchi apertius Phi-
losophantis à Schola exilium osten-
dit maximè. Libello autem nostro
Zoroastri nomen dedimus, cum
quòd oracula ejus duces sequuti,
tùm quòd verè hæc Zoroastris
Magia Theologiaq; Chaldæorum
fuerit; Non illa veræ Magiæ apud
nefandos homines Dæmonum ma-
lorum consortio nata Goetia simia.
Sed Persarum altera de singulis dif-
ferens Philosophia, cuius Sectato-
res nominis vi, Magi, hoc est, Dei
cogni-

cognitores cultoresq; dicti, cuius
Sectæ qui nato salvatori Domino
primi Bethlehem gratulati sunt, &
Sacrificavêre, exstiterê. Hisce pau-
cis chartis Lector, totam de Deo
& Trinitate, tribus Mentium ordi-
nibus, ideis, mundi creatione ejusq;
animo, Principijs & Elementis ju-
cunda perspicuaq; brevitate, veraq;
veritate Aristotelis non nunquam
excussis compedibus liberè disseru-
imus. Humani animi, siquidem is
non sine operationum, quæ non
absq; organorum contemplatione,
perfectè cognoscibilis, consumati-
orem demonstrationem consultò
distulimus. Exactiorem enim huius,
uti & aliorum, liber alter, forte bre-
vi, Hermetis titulo, lucem visurus,
tractationem continet. Interim ge-
neralia hæc specialibus
viam stravisse suf-
ficiat.

THE

THEOCHARIS
HERMETIS DE ZO-
ROASTRO VOTVM SVSPEN-
fum ad eius monumentum &
illum rogam.



ESSENI, vis me ZORA-
STREM dicere versu:
Zorastrem: cuius tantum,
mea gloria verba
Excedit: quantum nostra aetas distat
ab ævo.

VELLEM QVAE VELLES. Sed enim
non diceve Tanta

Huic balbæ est ea vis lingvæ, Mu-
sæq; tenellæ,

Nec mihi fert animus, jam nunc alia
omnia fari.

Nec, nisi votum istud, iuvat imo à
pectore fari.

ESTO ISTUD: Vosq; o Sapientes
omnia, Manes,

Zora-

Zorastris prisci, quoq̃ nostro huic
este benigni

Indocto & Sero Seclo: & tam cona
dita dudum

Æternis tenebris, ac fors busti ipsius
illos

Iam perpeſſa olim cineres: hinc reda
dite luci

Carmina, & aliquæ Sophiæ monumen
ta docete.

Non vos, ſollicito Manes ego, & e vos
co buſto:

Carmina ſollicito veſtra, & longo e vos
co buſto.

Tu quoq̃ IESSE NI reſonas eadem om
nia mecum:

Et nec vota modò reſonas: Sed preſa
ſus ipſam

Aggreſſus rerum Molem: monumen
ta ea priſca

Sollicitas: tenebrisq̃ ſuis evellere Spe
ras:

Idq̃

Idq̃ ipsum post PATRICIUM : tanto anspice
fretus :

Et tantum exemplum nostris rudioribus
oris

Prolucens : etiam properas anteire se
quendo.

I Propera , sicuti prisci Zorastri
lyngas

Iam dudum, efficias nobis resonare , si
lentes

Scilicet hic SOPHIAE, nostrae est veriꝑ
Silentis

DULCIS Amarus Amor & lyngae so-
nantior omni.

IOHAN : IESSENIO A
IESSEN PHILOS: ET
Med: Doctori.

Amico & Sympatriotæ suo

Sal : Frencelius a Freidenthal Poeta
L. Cæsareus. S.



*Væ tibi, IESSENI, fiducia tanta? quid
audes?*

*Iudicia an pariunt non aliena me-
tum?*

*Te multi dicent veterum oppugnare So-
phorum*

Oracla, & nugis commaculare novis.

Ne metue: id vulgus dicet, non lingua Sophorum

Sobria, in hos lusus ingeniosa tuos.

Nam quod huic præceptis ignavia temporis Aero

Invidit, revocas tu vetus artis opus.

Non ergo oggannis nova: Sed, te vindice, lautis

Sordibus in vitam prisca Magia redit.

Hinc Artis per te redivivus cernitur author:

Hinc per Eam viva laude superstes eris.

IOHAN:

IOHAN: IESSENII A
IESSEN PHILOSOPHIAE
& Medicinae Doctoris

ZOROASTER.



Niuerſum quod eſt Prin-
cipij aut Principium eſt :
à nihilo nihil. Productio
quæ actio à viribus, hæc
ab eſſentia; ita à ſe nullum. Ab alio
igitur eoq; uno aut multis: Non
multis, differentem enim qualitatem
numerus infert. Ab uno igitur, im-
producto & ſimpliciſſimo cujus
proprium, fontem eſſe omnium, re-
rum ortus neceſſarium. Vnum hoc
ante entium productionem, ea vel
non habuit, vel habuit: Et ſi hoc, v-
num vel omnia? In ſe omnia habuit:
omnia enim produxit. Vnitatem u-
num ſibi produxit ſimile, unum
quod eſſet, eſſet quod & omnia: V-

B

nnm

num omnia quidem , sed produ-
ctum, ob quæ id Secundum. Produ-
ctio intra vel foris essentiam actio.
Intra productorem facta productio-
ne ab eo non discessit , sed idem
cum eodem remansit : Per ad extra
productionem à productore exiit.
Productione prima vnum in uno
permansit quod erat productum ,
ex uno prodijt, unumq; evasit: Vnde
unum & non unum fuit: Primum
unum produxit, unum alterum sus-
cepit. Huius ab illo exitus, idem
cum illo non , quod ille Genitor hic
genitus, alteritas quædam emergit :
Hic quod Pater , alter Filius , aliàs
substantia essentiaq; idem sola diffe-
rentiæ ratio. Ortus perfectissimi
geniti à perfectissimo Genitore, nul-
la hinc Genitorem imperfectio im-
minutioq; consecuta, qualiter & ac-
cendenti luci nil perit : Hoc Geni-
tus

tus à Genitore, nisi quod non ipse
sed in ipso sit, (quemadmodum &
non à luce radij) differt, ejusdem
cum Genitore substantiæ, uti & ra-
diorum cum luce essentia eadem.
Duo igitur amore vel odio se pro-
sequuntur: Non odio, id enim ma-
li ob malum foret: at in summo bo-
no mali quid? Amore ergò, quem
Areopagita circulum bonum à bo-
no in bonum perpetuo revolutum
finit, sese complectentur, eoq; jun-
gent. Amor hic tertius quidam duos
intervenit, qui non ut humani
sunt affectus & passio, sed essentia
quædam ex illis procedit, unius e-
jusdemq; cum Patre & Filio essentiæ;
ab utrisq; processione tantum, uti
& illi & à se invicem, & ab hoc ge-
nitura & ingenitura distinguuntur.
Atq; sic ex eis & inter eos tertia fit,
itaq; Trina unitas, unaq; Trinitas. Pa-

B. 2 ter om

ter omnia de se depromens per primam mentem consubstantialem, secundæ transmisit Menti, ut & ipsa per omnia perfecta, ijs non in se tantum frueretur, Deitatis modo sibi sufficientissimo iners otio sterilelceret: Sed ut & ipsa fecundissima ejusdem cum Patre & Genito substantiæ, potentiæ, virium, cooperator & æqui operator, & coëfficiens existeret. Vbi enim essentia rei, ibi potentia, ibi in, vel ex essentia actio. Atq; sic Patri Filioq; coëssentialis Mens secunda illis cooperabitur. Non in se quidem, id enim à Patre & Filio perfecta habet: Extra se igitur. At non in eos unde prodant, nulla enim his actio reciproca, nullaq; ad superiora productio: circum igitur & infra sibi simile productura. Hoc ergo merito maximo, quod circa se & infra se omnia produxerit: Non

Non quod sola, sed quia rebus extra profundum condendis proximior conditrix fuerit, Mens opifex appellata. Omnificentiam hanc Patri Filioque consubstantialis cum illis communicat, qui & ipsi sua conferunt. Essentia autem respondent potentiae, his operationes, quibus opera. Opificis essentiae, potentiae, actiones, operationes infinitae, talia futura & opera. Infinita igitur, infinitate quadam à summo illo conditore degenerere numero scilicet & multitudinem, tum primus, tum reliqui duo Opifices entia produxerunt, similia quidem ipsis, sed inferiora: Unitates, Essentias, vitas, mentesque numero infinitas. Mentis quidem alias circa se, sed minus nobiles, triplici productorum respondentes ordini distinctas. Tres enim productores cum sint, & quisque sibi producat

B 3 simi.

ZOR O A S T E R

6 simile, hæ Patri, istæ Filio, illæ Spi-
ritui similes futuræ. Mens opifex
Patri quidem respondentem sum,
ma excellentia primam Triadem in
ordine primo procreavit, in quo
ordo Patrum supremus Patri esset
quam similimus, Ordo potentiarum
alter responderet filio, ultimus men-
tium appellatus sibi tertio principio,
mentiç Secundæ esset assimilis. Pa-
riter in secunda Triade, quæ filio
responderet supremæ Patres appel-
latæ, Patrem primum, primæç Tri-
adis Patres repræsentarent. Tertiæ
quæ mentes dictæ sunt sibi menti
primæ Triadis mentibus similes ex-
isterent. Sic & in tertia Triade sibi
menti respondente, essent Patres
Patri primo, duorumç primorum
ordinum Patribus: Potentiæ Filio, &
potentijs: Et mentes sibi, & suis men-
tibus persimiles. Ita ut prima tota
Patri,

Patri, tota
ritui conc
Sunt autem
Spiritus, to
Proprieta
terminant
nitas, Vn
simplicita
procedit
illic nata
rie, mar
ma, qu
natura, c
oç & co
planetç
tur pro
summa
tasç, fin
tas, Eod
stent me
alijs fuc
cunt, &

Patri, tota secunda Filio; tota Spi-
 ritui conditori tertia esset propria.
 Sunt autem quædam Patri, Filio,
 Spiritui, totiꝫ profundo communes
 Proprietates, inchoantes à Patre,
 terminantes in Spiritu, Vnitas, bo-
 nitas. Vnum Deus simplicissimum;
 simplicitas ab uno genita, ab uno
 procedit, toti inest Patris profundo,
 illic nata, illic habitat, nullius mate-
 riæ, materialis Speciei, generis, for-
 mæ, qualitatis particeps: Mentibus,
 natura, coelo, anima simplicior, ide-
 oꝫ & conditionum illarum expers,
 planeꝫ immutabilis. In Patris igi-
 tur profundo, ejusꝫ unitatibus,
 summa si est simplicitas immutabili-
 tasꝫ, summa quoꝫ illic futura veri-
 tas. Eodem enim semper cum per-
 stent modo, seipsas non fallunt, ab
 alijs fucum non accipiunt, non fa-
 ciunt, sed est inter eas unio & com-
 munio

munio perfectissima, indivisa, immu-
 tabilis, verissimaque ipsa veritas. At
 ubi veritas summa, summa illic &
 sapientia, ejusque plenitudo: Hæ ab
 Vno provenientes divinitatis pro-
 prietates. A Bono sufficientia: id e-
 nim sibi alijsque sufficit. Cum hac pa-
 terni profundi sufficientia, quæ se-
 cunda sunt & participantia, compa-
 randa nequaquam. Mundus enim
 hic quamvis totus, ex totis compo-
 situs, perfectus ex perfectis, omnisque
 generis bonis plenus proprijs, suf-
 ficiens dici possit: partibus tamen
 constat conflatis multis, eamque à
 Causis superioribus participat; suf-
 ficientiaque eius à Bono provenit
 simplicissimo. Animarius mundus
 propriarum virium plenus est, pro-
 priaque beatitudinis mensuram pos-
 sidet: At huius quoque sufficientia
 varijs eget viribus. Mundus intelle-
 ctualis

etualis & ipse, ut qui perpetuo universum in se possideat bonum, & omnem simul suam comprehendat felicitatem, alterius nullius indigus, cum ei tota eius vita Præsens sit, & intellectio, sufficiens est. At sufficientia hæc suæ competit essentia, nullatenus cum profundi paterni sufficientia comparanda, cum secunda & per participationem sit: Illa vero primò & perse Bonum, quo sibi ipsi est sufficiens. Est & postea alijs plenitudine beneficentiæ suæ, qua penetrando per omnia bonitatis divinitatisq; dona infert, singulisq; pro caput largitur sufficiens. Per hanc potentiam intellectuales essentia similia sibi constituunt: Animæ germinare primamq; causam imitari expetunt: Naturæ earum rationes in alia transferunt: Formæ & cuncta alia essentialem generandi seseq; proferendi

B 5

ferendi

ferendi habeat amorem stimulum.
Quam beneficentiam quæcūq; sensi-
bus percipientes eam expetunt, &
ad summum bonum cuncta con-
versa id appetunt. Est ergo hoc ap-
petibile entium omnium quasi cen-
trum, circa quod tūc essentias suas,
tum vires, tum actiones, tum appe-
titus omnes suos inextingvibiles &
perpetuos revolvunt. Id tamen
etsi cupiant non cognoscunt, sed
quasi ariolantur, ipsumq; veluti ig-
nem circa lampyrides volitant, suoq;
excipere sinu gestiunt: Id tamen non
præhendunt. Omnibus enim ab-
entibus separatum in suæ dignitatis
& supereminentiæ abyssu, sese à
nostris sensibus, & à nostris etiam
cogitationibus in sublime rapuit:
Cunctis tamen præsens meat per o-
mnia, universa circa se movet, suiq;
cupidinem indit: Hac cupiditate
motuq;

motuq; servat omnia, supereminens
tamen & inpermistus cunctis, in u-
nitate sua perseverat. Ex prioribus
& alia oritur hujus appetibilis pro-
prietas, quæ perfectio dicitur: Hæc
quæ per sufficientiam producta, in
suas convertit causas ea congregat,
in easq; reducit, siue sint intelligibi-
lia, intellectualia, animaria, natura-
lia vel corpora. Omnia namq; in
causas suas ut perficiantur, revol-
uuntur, ab eis ad perfectionem redu-
cuntur: absolutam perfectionem
consequuta, ueluti in ætatis flore
pulcherrima nitent: quæ sui natura
pulcritudo amabilis, amorem er-
ga se excitat. Hoc amore entia cun-
cta perfectione pulcra reddita, pri-
mò se invicem cupidissimè prose-
quuntur, mox in huius causam pri-
mam ardentius feruntur. A Bo-
no igitur proveniunt, sufficientia pri-
ma,

ma, qua sibi sufficiens qua entibus
omnibus sufficientia altera; ab hac
appetibile oritur, ex vtrisque perfe-
ctio conflatur. Pulcritudinis mater
perfectio amarem gignit: Hic
magno desiderio & indefinente cur-
su Patrem ipsumque bonum quaerit,
quo satiari percipit. Vnum & Bo-
num hoc entia omnia in se continuit
antequam extra se produceret, nec
dissipatum in ea unum remansit:
Omnia habens, nunquam habitum,
ea & nunc non habitum habet, nul-
lum in quo non sitientium. Primus
enim & summus actus vniversa
nondum ijs exanimatus actu in se
continet. Non enim decuerat omni-
bus supereminentem Bonitatem en-
tia procreare, & postea a seipsis ali-
ena & disjuncta casui exercenda re-
linquere. Nam si integra & ipsa bo-
nitas permanere debuerat, vniversa
simul

simul conjuncta ab invicem jungi-
tur ut penderent: & ad se converte-
rentur, primumq; ad fontem redi-
gi apta ut forent effici oportuit. Id
quod fieri nequaquam potuit, nisi
extrema mediaq; entia vinculis ceu
glutino quodā colligarentur, quod
mentium singularium ministerio ef-
fici necessū fuit: Hæ omniformes in-
tellectuales causæ vocatæ typicq; mū-
do datæ Ideæ. sunt. Primi enim hæ
Pâtris conceptus, uno fonte om-
nes continentur. A Prima & vno
regina unitate, unitates hæ Ideæ. Im-
participatus enim intellectus, quo
se intelligebat mundum eiusq; par-
tes calluit, cuncta sapientiæ suæ or-
dine disposuit: Novit quæ se appe-
tant & causas: In sererum & vitas
& essentias, unitates, omnium po-
steriorum Causas habet, vt qui om-
nibus esse suo ordine statuatur. Esse
suum

suum in intelligendo, quare se ipsum
intelligendo, autor & conditor om-
nium est. Et cum omnis in essentia
actio talis, ut quæ ex Essentia pro-
dit ab ea pendeat, unde & omnis si-
bi similem Causa effectum produ-
cit. Interiores illæ quæ similes ad
extra ab essentia proferuntur Cau-
sæ, Ideæ sunt essentiarum verarum,
unitates, capita & causæ: Capita,
nam omnis Essentia à suo uno seu
unitate sine qua esse nequaquam
posset: Causæ item primariæ, at mi-
nus proximæ. Intellectus enim pri-
mus se ipsum intelligendo ut & reli-
quos intellectus, animas, naturas,
Ideas quoque intelligit, quarum mini-
sterio corporeas formas educit. In
se enim conditor respiciens illas intu-
etur, illarum rebus à se productis,
pro cuiusque captu similitudinem in-
fundit, unde exemplaria dictæ
Mun

Mundus enim hic cum animal sit, animalia cuncta complectens ab anima proximè suum esse obtinet, hæc in mentem redigitur. In mente necesse est exemplar tale exstare, & totius, & partium. Exemplar hoc mundus intelligibilis, qui omnipotens cum ei adsit, id quod ab eo suscipit, impediante nullo, ut hoc exornet, necesse est. Exornatum Speciem mox & formam in materia ab illo discretam habet, alibi Solem, Lunam alibi, hic Hominem, illic Equum, Species singulas & quantitates, qualitates, generationes, passionis motus naturales, naturæ nimirum cum particulari, tum universali consentaneas. Ab hisce duabus naturis quæ dissentiant, extra hunc ordinem sunt, nec ibi ideæ earum reperiuntur. Generum cum hæc:

hæc vltima careant perfectione (illæ autem perfectæ) Ideæ nullæ: non etiam indiuiduorum, nisi quatenus universitatis æternæq; earum Speciei participes. Quæ verò speciem quandam consequuntur, puta artes, imitationes hominum, hominis illic ratione per se Ideam non habent: Accidentaria enim uti & plura alia è materia lociq; differentia confecta. Naturalium verò specierum accidentium, ut quæ perpetuæ sint Ideæ existunt. Quemadmodum vero species, ita Ideæ differunt. Præter hoc alia participant, participantur alia: Illæ partem aliunde capiunt: Hæ propriam alijs impertiuntur: Participatione illæ his efficiuntur similes: Illæ imagines, hæ exemplaria. Exemplo res clareat. Natura à suis causis in iisdem est proximis & remotioribus, ascendendo ad primam

mam usq̃, semper à suis gradatim
 participatur effectibus; Effectus ve-
 ro Causas participant. Natura enim
 aliud nihil est, quam una totius
 mundi vita ab anima pendens ut à
 causa, cuius actus vivendi facta par-
 ticeps, & mundi corpus movet, &
 in statu retinet. Anima tanquam sua
 causa à Mente id habet quod natu-
 ræ tribuit: Mens hoc quod animæ
 largitur a vita obtinet, cuius mens
 effecta: Vita vero id ipsum à sua
 essentia nata: Essentia tandem à na-
 turæ Ideā, atq̃ prima eius unitate
 quæ flos atq̃ fons ipsius naturæ est.
 In quo Effectorum ad Causas ascen-
 su, effectus participant participantur
 causæ. Imparticipatum autem est
 simpliciter id quod ab omnibus libe-
 rum, Mens scilicet Ideā prima om-
 nibus Principium Deus. Principi-
 um sine quo non, ordinis, numera-
 tionis,

C

tionis, productionis, constitutionis, essentiae, materiae, formae, conservationis, accrementi, perfectionis finis denique ad ipsum reditus. Ante principium hoc nihil, post hoc omnia, ab hoc & in hoc Vno & Trino Entia consistunt universa.

Hactenus de Conditoris, mentium abstractarum creatione & ordine; post ubi prius de mundi Principijs & partibus disseruero, mundi animum intra mundanasque mentes contemplabimur.

Mundum fabricaturus sumus Opifex Deus primo omnium quod produceret tale esse expedijt, in quo alia omnia, & sine quo non essent ulla, id verò nullius alterius indignum, per se subsisteret, quo posito alia omnia poni, sublato tolli omnia

nia foret necessarium. Tale autem
 spaciū erat. Vniversa enim siue cor-
 pora sint, siue corporis expertia, nisi
 in loco sint, nequaquam sunt. An-
 tequam igitur extra profundum
 prodirent entia, spacio cuius pro-
 prium vacuum esse eguere. Itaq;
 spaciū a primo Vno ante entia o-
 mnia productum. Spaciū autem
 hoc quod ante & post omnia entia,
 quodq; universa entia capit & excē-
 dit, vel substantia vel accidens, (cum
 alterum horum quicquid in univer-
 sitate) futurum. Si substantia corpus
 vel incorporeum: Sin alterum vel
 quantitas vel quale, aut quid tale al-
 iud. Spaciū nihil rerum est mun-
 danarum, præter illam partem, qua
 mundum capit, est enim extra mun-
 dum, mundumq; ortu anteit, res
 a mundo plane diversa per se
 C 2 existens;

existens: Mundus corpus est, quale non est spacium. Nulla igitur in Cathegoria futurum spacium. Quid igitur est? Extensio est, intervallum est, capedo & intercapedo est: Ergo quantitas, ergo accidens: Ergo accidens ante substantiam & ante corpus. Perfectus est Categoriarum omnium in natura existentium numerus: Nulli mundanarum rerum, sint corpora, non corpora, sint substantiæ, sint accidentia, spacium accidit: Potius illi omnia uti accedunt ita accidunt: ita ut non solum quæ in Categorijs accidentia, sed etiam substantiæ illi sint accidentia. Spacium ergo per se subsistens, nulli inhærens, extensio existit hypostatica. Substantia namque si est id quod per se subsistit, maxime omnium futurum spacium substantia: Per se enim substat, nulli innititur, nullo

nullo, quo sustineatur eget, sed
 ipsum substantiam substantijs
 præbet easq; ut sint sustentat. Atq;
 sic spacium per se subsistendo, alijs
 substando, alia juvando, primoq;
 ante alia extando, maximè omnium
 substantia est. Non illa decem Cate-
 goriarum prima, non è materia &
 forma composita, non de Genere,
 Specie, aut singulari prædicata, sed
 alia extra denarium Categoriarum
 numerum Substantia: Non corpo-
 rea, non itidem incorporea, sed ex
 utrisq; media. Tactui quia nãq; nec
 connivet nec resistit, nulli reliquo-
 rum etiã sensuum aut obijcitur aut
 subijcitur corpus nō est. Quia vero
 longitudinem, latitudinem, profun-
 ditatē omnes dimensiones obtinet,
 trine dimensum ob quod non plane
 incorporeum itaque corpus incor-
 poreum, & non corpus corpore-
 um,

C 3

rum: Vtrumq; per se substans, per
se & in se existens, adeo, vt per se &
in se stet semper, neq; unquam neq;
usquam moveatur, neq; essentiam,
neq; toto, neq; partibus locum mutet.
Reliqua autem omnia quæ mouen-
tur, per hoc spacium mouentur, huic
nullum est supra quod moveatur
spacium; neq; in se, vel extra se, unde
aut quo moveatur terminus. Immo-
tum igitur & immutabile prorsus
spacium. Spacium igitur univer-
sum quod intra extraq; mundum in
immensum extenditur, ne otio &
vacuitate sterile sceret rebus omni-
bus à se tamen alienis, & ea quidem
primo quam ante alias in se recipere
spacium, quæq; hoc intrare & subis-
re potuit facilius à summo conditore
repletum est. In naturæ enim rerum
universitate ita comparatum, ut
cognata facilius sese excipiant, affi-
nes

nes foveant, similia confectentur,
grataq; coeant amicitia: Contraria
verò sese fugiant fugentq;, diversa a-
versentur, inimicitiaq; discedant. Ta-
le igitur quod primo spacio indi-
quod spacio simile, cui nil resisteret,
quod per universum spacium id es-
fufum repleret, quod ut spacium
simplicissimum extenderetur in im-
menfum quod uti & spacium per
universa funderetur, universum pe-
netraret, universaq; impleret: Nul-
li quod resisteret, cederet omnibus,
ab omnibus penetrabile, permea-
bile, corpus demum & incorpore-
um, uti & spacium, esse oportuit.
Tale autem in universitate to-
ta nullum præter unum Lumen
ipsum primogonium, quod ubi-
cunq; inter corpora sit summa boni-
tatis, Elegantiæ, Sapientiæ, poten-
tiæ, summaq; beatitudinis, summa

ac prima imago est, Summum enim
& unum illud Bpnum cum inaccessi-
bile lumen habitat, in quo tenebræ
nullæ, rebus à se procreatis tene-
bras affundere non potuit, sed de
suo lumine in infinitum effudit. Est
autem lumen primum primæ lucis
actus, à luce quidem fonte suo pro-
diens, non tamen ab eo discedens,
continue inde manans, sed per se &
in se existens. Non enim prima lux
primi productrix luminis producto
lumine, lumen desijt producere, si-
quidem nec ipsa productione exina-
nita esse desijt, sed dum ipsa est, ab
ipsa prodit, & in se quoq; consistit,
& nequaquam in nihilum, in quod
res nulla transit, evanescit; sed cuncta
permeat & cū rerum seminibus ca-
lorem universis secum invenit, Vbi
enim lux, ibi & lumen est, ibi ignis,
ibi & calor, & ubi horum unum il-
lic &

lic & reliqua Lux & ignis in se consistunt, lumen & calor extra se prodeunt: Illa sicut indivisibiliter sibi juncta, ita hæc à se nunquam discedunt. Lux nunquam de se lumen non emittere, nec ignis non calorem potest. Ab uno igne omnia genita. Nil aliud ignis hic quam Dei infinitam Omnificentiã per quam entia à se cuncta creata, deq̃ illo uti fonte proprio deriuata, denotat. Ignem hunc Creator Deus primum in suum proprium profundum sparsit, hoc deinde ministras mentes animosq̃ conspersit, omnibusq̃ pro gradu suo distribuit. Elementarius calor qui subterraneus est, superterranei est proles proxima, hic Cœlestis, qui Empyreï, hic verò luminis illius quod vniversum replet spacium soboles: huic fontanus præsidet animus: Istius imago est lumen illud,

C 5 lud,

lud, cui blandissimum suum calo-
 rem infundit mens secunda: Mens
 hæc à Mente prima & à Patre re-
 rum omnium autore & fonte tulit.
 Per spacium congenitum trine di-
 mensa corpora sunt, quæ per lumen
 visibilia, per calorem constant &
 vivunt: unde corporum tria ele-
 menta resultant. Sed corporum re-
 sistentia unde? A re nimirum, quæ
 resistentiam vel indere vel inferre
 possit: Eam nos fluorem seu humo-
 rem appellamus: Antiquorum
 multi uti & Thales Mylesius aquam
 dixere, huic quia humida maximè,
 propria & inseparabilis fluxio.
 Cum verò in natura alia quædam
 fluant fluida quæ nec tamen aqua vel
 humor sint, universa ea communi
 floris nomine appellemus: Is enim
 supra & sub firmamento. Lu-
 men primævum fluor est:

A pri

A primo suo fonte lumine fluxio-
nem calor habet. Lumen calor
& Empyreus mundus ipse fluor :
Æther & ipse ardet & fluit. Super-
na omnia fluere ratio dictat : Infer-
norum fluor sensui est obuius. Aër
ipse liquidus fluit, & qui in hoc è va-
pore fiunt incensi, ignes quis neget
fluere? Mare, flumina, & fontes
quis dubitet fluores? Animalium
semina concreti fluores sunt : Plan-
tæ omnes fluores. Lapides &
mineræ omnes fluores, vel è fluo-
ribus compactos ostendit colliqua-
tio. Imo & terra ipsa generabi-
lium Mater (uti post patebit) tota
è fluore concreta. Omnis autem
generis multitudo ab idea unitate
sua provenit. Fluores subterra-
nei non primi sed postremi, ante
hos horumq; causa aqueus,
huius

huius aëreus, cuius æthereus: Huius item Cœlestis fluor, huius Empyreus, cuius caloris fluor, huius fluor luminis: Huius tandem prima ac proxima causa floris Idea atq; vnitas. Quartum itaq; omnibus corporibus insitum, veluti Elementum primævus Fluor principium.

Hæc de Primævis Vniuersi Principijs: Nunc ad totius accedamus Mundi fabricam.

Empyreus Mundus supra æthereos positus illos complectitur, à Mente opifice constructus, Dei beatarumq; è corpore solutarum mentium hospitium, totus igneus & immobilis, æthereum Mundum continet. Paterni profundi imago existens, neq; suis neq; alienis finitus

tus infinitus manet terminis. Vni-
uersi enim conditor Deus, essen-
tia, potentia, tum bonitate infi-
nitus, ne finitè bonus aut po-
tens videretur, bonitate & vo-
luntate sua infinita, infinitum pro-
duxit Mundum. Ab huius enim in-
finita essentia, infinitæ vires, infinita
actio, quæ cor respondentē sibi sem-
per parturit effectum. Id omni cum
sibi similem ferre effectum causæ
concessum: quanta injuria Primæ
& Causarum Causæ foret nega-
tum? Effectus enim omnis actio-
nem, quæ vires & hæc essentiam ar-
guit. In Deo infinita essentia: igitur
infinitæ virtutes, actiones, cui & effe-
ctus respondebunt, infinitum nimi-
rum quo finitum continetur. Sum-
ma igitur Dei virtus bonitas, volun-
tas, extra quem nihil, & in quo om-
nia, ad summam suam gloriam, sum-
mæq;

mæq; potentiaë testimonium, infinitum (in quo & finitus compræhenditur) creavit mundum. Empyreus ab igne dictus ad extra ad infinitatem expanditur, ad intra verò, quia æthera contangit, finitur. Æther verò ab ardore sic appellatus, qui ab eo contangitur Cœlum dicitur, ad extra qua empyreum & qua ad intra elementa contangit finitur. Empyreus totus similis ad extra infinito suo flure extensus, raritate & tenuitate claret blandius, ardetq; tenuius. Æther autem primus non totus ardet, sed per intervalla coactione sui claret acutius & ardet vehementius, flammarum, fulgoris, & magnitudinis differentia dissimilis. Atque sic Cœlum & æther infiniti mundi, finita regio, infiniti primi

primi floris immensa portio calore supero præditus, astrorum flammis infinitis itidem floribus pulchrè distinctus ornata apparet facie, ob quam merito mundi cognomine donatus. Æther hic numeri aut divisionis ratione multiplex ita indagandum. Corpus omne quale & mundus, quatuor ante demonstratis constat Principijs. In spacio enim est, è fluore per calorem & lumen corpus primum. Empyreus mundus constitutus: ea in se veluti absorpsit, his se nutrit, qualiter & ipsa sese invicem mutuocalunt, foveant, & conservant dicta principia. Et sicuti spacium natura partibus & toto immobile, talia & reliqua, talis & mundus Empyreus. In quem enim hic transeat locum alium, nullus superest. Extra enim

enim vel intra se moveri necessum.
Non extra se: Totum enim spaci-
um: spacium autem omnia occupat.
In se vero quomodo, partibus ne an
toto? Toti sibi locum in se nō invenit,
non igitur toto: Non etiam parti-
bus. Partes enim aut toti & sibi ipsi
sunt similes, aut sunt à toto & inter
se dissimiles. At quomodo sunt dissi-
miles in primæva Empyreï natura,
quando adhuc nihil in eo aliud sit
quam ipse solus? Toti ergo sibiq; si-
miles partes omnes. Si similes in si-
mile non actio, à simili non passio,
& ita non se trahent, non pellant, à lo-
co non discedent: Nulla igitur move-
bitur, sed omnes futuræ immobiles.
Immobilis igitur Empyreus totus ad
extra & centrum versus. Coelum
autem cum Empyreï pars sit, vel to-
ti eo loco quo Empyreï junctum
continuum, vel ab eo in toto a toto
sepe.

separatum, disjunctum. Quo dato
Coelum superficie propria, & in supe-
ro, & in infero terminabitur, unde
& Empyreus mundus ea qua æthe-
ra contrahit parte, propria termine-
tur superficie consequentia. Disiun-
ctionis verò causa quæ nam fuit?
Non discordia, nulla enim inter simi-
lia dissensio, unius melius longè quàm
multis. Quare & Empyreus quoque
primi unius imago, unus potius
quam in multitudinem dispergi de-
buit. Restat disjunctionis huius
Conditor suspectus, qui vel separa-
tos eos creare, aut creatos disjun-
gere voluit. Hanc necessitas sequi-
tur, ob finem enim separatos voluit:
Hic uti & ipse Deus bonus: Boni
igitur alicuius causa, segregati à
Deo Coeli sunt. Et universo fortè ex-
pedit cœlum moveri, quod ne tra-
cto secum Empyreo, partium confu-
sionem

sionem pateretur, se junctum debuit & oportuit Cum autem Deus & natura nihil frustra, motus hic conferre debuit, quo vel sibi aliquid tanquam imperfectum acquireret, aut alijs proderet, aut utrisq; consuleret. Motu si quid sibi Cœlum conciliaturum, aut à se ipso aut aliunde acquireret. Cum in se habuerit & habeat omnia, idemq; in se ipsum non agat & patiatur: à seipso nihil. Perfectionem igitur à superis Causis vel expectabit ab inferis. Ab inferis imperfectioribus quam acquireret perfectionem: si à superis quærenda: cur id non quietè potius quæ status, hæc identitas, quæ perfectio: quam motu, qui in alteritatem tendit id consequeretur. Alteritas enim à suo esse dimovet, atq; ita de perfectione

ctione in imperfectionem tendet:
 At cunctis sese perficiendi, destru-
 endi minimè appetitus. Coelo etiam
 nemo vim cum inferat, furripiat,
 in eoq; corrumpat, à Deo perfe-
 ctissimum creatum, frustra qui id
 tueatur, conservet, aut adaugeat
 motus quæritur. Vnde Coelum sua
 forte contentum, naturaq; sua
 perfectum, sui non moveri cau-
 sa decidimns. At forte aliorum
 utilitatis causa motus illi tributus,
 quo vel superis vel æqualibus,
 vel pro sit inferis. Sed quid corpus
 incorporeis, effectus causis, per-
 fectionis adferat? Coelo nulli
 æquales, restat prodesse inferis. In-
 feriora hæc si quid à supernis con-
 sequuntur, non Coeli sed syderum
 id impetrant beneficio. Qua-
 re Coelum nec sui nec aliorum cau-
 sa mobile, frustra circumgyrari

D2cre

creditur. Coelum ergo corpus omnium simplicissimum & simile, nusquam dissimulare, nullibi separatum, nulla versus Empyreum praeditum, qua ab eo dissipetur superficie. Facessant igitur cum suis tot ab astrorum, a Planetarum latione excogitatis excentricis & concentricis orbibus Astronomi. Per mare unum pisces omnes, magni, medi, minimique natant, tranantque maria. Aerem unum volatilia fuscque deque pervolant: Cometæ ignesque magni inardescunt. Cur syderibus quæ ignes sunt (inter nostrum & divinum medi) hic autem sua natura mobilissimus, non potius motum quam invisibili coelo tribuimus. Nec vereamur ullam hoc motu coeli fissionem, quando & aquam & aërem aliena subeunt corpora, nulla subsequente universi pessundatione.

Aer

Aer etiam quia nubibus, imbris alijsq̃ decidentibus & pervolantibus locum cedit, iterumq̃ in se coit (si enim resisteret, transcursus hi non fierent) totus fluidus, liquidus, simplex, tenuis, rarus, omnibus hisce Cœlo apparet similimus, nequaquam ab eo segregatus, unde unum & continuum cum Cœlo corpus facimus.

Vnum & Continuum & immobile cœlum esse ostendimus, astra quid sint, unde moveantur, & quæ earum actiones præsentī labore exantlandum.

Astra ut ignes nostri lucent, diversos nostro in varia materia accenso, similes ostendunt colores, apparent rotunda, scintillant, lumen de se propagant, lumen cum calo-

D 3 re

re proferunt, omnia ut ignes nostri:
His adde mobilitatem, tenuitatem,
acutiem, penetrationem, raritatem,
hæc utrisq; conspiciuntur commu-
nia. Tria autem ignium genera,
summus & primus diuinus & Ide-
alis: Huius simulachrum ignis
Cœlestis: ab hoc noster partici-
pat. Astra igitur inter nostrum
& diuinum verè ignes medij.
Cœlestis ille purus est, sincerus, im-
materialis, immortalis, diuini illi-
us ignis intelligibilis soboles. Quòd
vero non totus æther sed astra tan-
tum ardeant, ejus in causa raritas.
Cujus rei sensatus testis aër no-
ster, qui rarior quam ut accendi
ardereq; possit. Astra verò par-
tes ætheris, ut ignem concipere, de
se edere ac retinere compotes, com-
pactiores ac densiores ab Arche-
typo conditæ. Noster at ignis impu-
rus

rus, materie conditiones sequitur, est mortalis, continuo sursum quo terram oppositam contrarium fugiat, ortusq; sui principium quaerit, fertur. Nulli autem orbi infixæ, sed proprijs viribus in æthere stellæ pendulæ: ad quod demonstrandum ejus quod propè nos est similis mutuemur experimentum. Sæpè nubes tantæ magnitudinis, densitatis, hyeme præfertim, ut Solis etiam lumen intercipient per dies plures in aere hædere conspiciamus: Varij in aere generantur ignes, aliquandiu in eo perseverant: cur eadem ratione & sydera in Cœlo non pendeant? Nec ita vis infertur naturæ ulla. Sicut enim terra centro sui natura innititur, circaq; ipsum conglobatur: ita & stella singula naturali in loco constituta circa cui innititur centrum

D 4 circum

circumrotatur proprium. Non
 etiam astra, ut ij qui in aëre accensi
 ignes evanescunt & extinguuntur.
 Placuit enim summo Conditori u-
 no in universitate posito contrario,
 & alterum condere. Ita ut pro æ-
 ternorum & corruptibilium corpo-
 rum jure, ignes quidam perpetui exi-
 sterent, alij temporarij: alius mate-
 ria egeret in qua accendatur, qua
 extincta deficiat: Alius nullius ma-
 teriæ indigus in se ipso consisteret,
 deq; sua substantia se nutriret, atq;
 sic æternus nunquam in ætheris rare-
 ritatem deficeret. At moventur ne,
 an immota perstant astra omnia?
 Firmamentum ita quod firmum stet
 dictum, nullo impellitur motu; In
 hoc quæ tamen degunt sydera,
 circulo ferri spectantur, unde ne-
 cesse, ea vel Ccelo infixæ una circum-
 ferri, vel tota virtute propria sese
 versas

versare, vel deniq; terram rotatu
nos potius suo in gyrum actos, fal-
lere. Primus modus cum Coelum
immotum consistat impossibilis: Al-
ter cum sydera per totius Coeli cor-
pus sparsa, nobis proximiora quæ-
dam, distantiora alia, per inæqua-
lia incedant loca, vicinorum quia
brevius spacium motus possibilis:
superiorum cum pari tempore tam
immensum permeare locum impos-
sibile, latius quoq; impossibilis. Ut
autem sensus repugnat vehementius,
ita ratio contra nititur verius,
terram potius quam coelum, astraq;
suprema moveri in circulum. Huic
præterea experimenta multa patro-
cinantur. Si quis enim navi vehatur,
montes & littora retro cedere, se &
navim nō impelli sentiet. Pariter si e-
tiā diutius è ponte flumen quis aspici-
at, non aquam, sed secum pontem

D s moveri

moveri conspiciet. Quod si in debita distantia visus decipitur, quanto facilius eum falli in stellarum aut cœli motu, quæ immenso à nobis absunt intervallo, putabimus. Cur non idem noctu stellas intuentibus, quæ tamen uti littora immota persistent moveri, nos verò immotos consistere decipi eveniat? Nil faciunt hic Aristotelis & Mathematicorum contra hoc nostrum enunciatum arietes. Urget ille, si terrâ moveretur, vi & præter naturam movetur: Idem de Cœli motu asserere nos possumus. Instat, si moveretur, & partes eundem secuturas motum: non negamus. Terram vero ad universi medium ferri falsum. Super hoc enim consistit, circaq; hoc veluti polum, qualiter rotari Cœlum putatum, vertitur. Nec ob id quod in totius universi medio, ei quies affingi

affingi debet, cum nusquam nec ad latera, nec ad supera neq̃ ad infera concedere, sed centrum circa gyra-
ri possit. Motu hoc aquam secum vehit, nec alia æstus, fluxus & refluxus marini unquam futuri: Motu eodem aerem intra montium cacumina comprehensum circumvol-
vit, auramq̃ concitat. Neq̃ hoc len-
to terræ motu ædificiorum ruinam metuant, qui impossibili celerrimoq̃ motu Cœlum in frustra fractum iri non timu-
ere. Et cum terra non vi-
sed a natura sua moveatur, quæ a-
nimi proles, hæc intellectus soboles, quæ opificis intellectus proles, à quo reliquæ jussa capeffunt soboles, quæ ut à principio operari coepere, ita o-
perantur nunc, in perpetuum o-
peraturæ: Catena hac cuncta ad cen-
trum usq̃ connexa, ne deficient a na-
turis, animis, & mentibus servantur.
Atq̃

Atq; hic contra Aristotelem in circulum moveri terram rationibus e-
 versis cōtrarijs & stabilitis proprijs,
 Pythagoræ quoq; in subsidium ve-
 niente schola effecimus. Cum autem
 stellæ flammæ sint, impossibile au-
 tem sit flammæ quiescere, astraq;
 præterea omnia animata, intelle-
 ctuq; prædita per se naturaq; sui
 moveri necessum est. Et cum ani-
 ma motus principium quid miran-
 dum si astra ut flammæ per se mobi-
 les, anima prædita à nullo rectore
 vehiculo, rota, aut orbe nullo cir-
 cumvectæ per se moveantur. Mo-
 tum hunc manifestè Planetæ osten-
 dunt, qui cum eiusdem cum alijs
 stellis naturæ, essentiæ, virium & a-
 ctionum superis etiam stellis motus
 adsignandus. Impossibilis autem su-
 premarum stellarum motus ita
 contemperabitur, si ipsis ab ortu in
 occasu

occasum
 constituant
 astra mov
 Et quia ca
 sa ab occa
 trario, &
 motu me
 temperan
 alterius co
 citare sult

Plan
 & circa
 do a Soli
 ad Meri
 tardè, m
 stent, nu
 varijsq;
 rantia ly
 ut veter
 tenarium
 stitutum

occasum motum, terræ contrarium
constituamus. Concludendum itaq;
astra moveri ab ortu in occasum:
Et quia ea Celeritas impossibilis vi-
sa ab occasu in ortum terram con-
trario, & inter hæc duo Planetas
motu medio ferri oportuit: Ita vt
temperatis motibus unius velocitas,
alterius compensata tarditate perfe-
cta resultaret harmonia.

Planetæ Græcis quoniam ultra
& citra Eclypticam Solisq; viam mo-
do à Solis Orbita ad Septentrionem,
ad Meridiem modo flectant, modò
tardè, modò citentur velociter, nunc
stent, nunc præ, nunc retro currant,
varijsq; motibus errent, à Latinis er-
rantia sydera dicti. Horum nos non
ut veteres, & pleriq; moderni sep-
tenarium, sed quinarium saltem con-
stituimus numerum. Sol enim cum
nun.

nunquam à sua deflectat Eclyp-
ptica linea : Et Luna alterius ab
astris essentiae, in illorum contuber-
nium vocari non poterunt. Imo si
nervosius in rem inquirimus, sunt
Planetæ ut cætera astra flammæ ac
lucēs, eademq; ignis constant essen-
tia; natura quæ actiones earum per-
agit, spiritu qui rector, animo,
mente, & intellectu præditæ, quo vi-
vunt, feruntur, & agunt, cursus eos
quos mundo expedit ad Conditoris
nutum peragunt, quibus licet nobis
errare videantur errant tamen mi-
nime. His Astronomi à magni-
tudine, situ, luce, motusq; veloci-
tate & tarditate differentiam adfinxê-
re. Iovem omnium dicunt ma-
ximum: huic mole Saturnum fa-
ciunt proximum: tertias Mar-
ti: post Veneris: omnium stellarum
mi

minimam Mercurium asserunt. Omnium magnitudines ad terræ proportionem referunt : Magnitudine multis partibus Saturnum & Iovem terram excedere, hanc Martem mole æquare, hac minores Veneris & Mercurij stellas computare. Color his varius, pallet Saturnus, fulgentior Iuppiter, Mars rubet, lucet Venus, plumbeo spectatur colore Mercurius. Colorum horum differentie lucis (e qua singulæ constitutæ flammæ) raritas atq; in causa densitas. Hæc enim rara si sit, lucem dilucidior, si densior, vividior reddit. Nam & rara flamma apud nos minus fulget, in crassiori verò ac densiori materia accensa, rubet magis fulgetq; clarius. De horum verò situ non

non omnes inter se Philosophi & Astronomi conveniunt; alterum tamen supereminere, succumbere alterum concordēs. Ordinem horum ex velocitate motusq; tarditate colligunt. Ratiocinantur enim, Motus tardior longius arguit spacium & viam, minorem velocior. Itaq; Saturno qui trigesimo anno iter absolvit, omniumq; tardissime fertur, locum summum. Lunæ verò quod citissimè ad locum, unde abiit, redeat, sedem constituunt infimam. Cum autem octavam quam vocant Sphæram, 24. horarum tempore motum absolvere doceant, illam vel infra Lunam constituti, aut velocitatis & tarditatis motus huius causam commententur aliam, summa necessitas. Interim antequam se explicent, dent veniam, Planetas omnes stellis interponi nullumq; altero altior rem

rem esse asseri. Idem enim ipsis quod
navibus non eodem vento eunti-
bus accidit: adeo citus & tardus pro-
cujusq; viribus respondet progres-
sus. Qui si aliquando maiores mi-
nores nonnunquam visuntur, ascen-
sus & descensus eorum in causa.
Quanto enim propiora, maiora tan-
to, minora quanto distantiora cor-
pora. Astronomi apparentias has
Concentricis & Epicyclis adfingunt:
quas naturis, spiritibus ac magis a-
nimis ac mentibus tribuere fuerat
æquius. Ab his enim reguntur,
perq; hoc motus divinæ providen-
tiæ satellites, totius universi harmo-
nicum servant concentum. De So-
le Lunaq; seorsim aliquid. Sol Pli-
nio totius universi cor, mens, ani-
mus, naturæq; Numen principale
creditus est; ab Ethnicis pro sensi-
bili Deo cultus: in huius laudem Lu-

E

lia

lianus Imperator cognomine Apo-
 stata, singularem conscripsit librum.
 Plato Solem summi boni sobolem,
 sensibileq; simulacrum appellat: Et
 quas illud in intelligibili mundo,
 hunc in visibili vires habere; Et qua-
 liter bonum ad intellectum & intelli-
 gibilia sese habet, ita se in visibili hoc
 mundo ad visum & visibilia: Et
 quemadmodum illud omnis intelli-
 gentiæ & veritatis ibi causa; sic Sol
 in mundo hoc omnis visionis, &
 quæ per visum cognoscitur verita-
 tis occasio. Veterum Philoso-
 phantium varias de hoc relinqua-
 mus sententias. Sol hic corpo-
 reorum ignium ignis primus,
 imago Empyreï primæviq; luminis
 & caloris, lux compactissima, ignis
 ardentissimus. Radij huius ig-
 nes ab eo secundi, recti, acuti, pene-
 trantes, urentes. Lumen ab his
 ignis

ignis tertius, quasi flamma in exilissima materia leviter succensum. Hoc rerum seminum delator, eorundem mensura, numerus & fomes. Dum enim illuminat, ea quæ inepta sunt subit, ea calore commite penetrat, separat, congregat, purgat, movet, generat, nutrit, adauget, perficit, renovat, vivificat, & continet, ita ut cuncta corpora Solem expetant, uti genitorem, motorem, calfactorem, illuminatorem, vitæ denique datorem & conservatorem. Hæc enim omnia corporibus omnibus, infundit, indit, manifestis luminis viribus, & occultis spiritualibusque actionibus: His quemcunque locum ferit, mox prole gravidum imprægnat. Spiritus autem à lumine & calore vectus, in intima penetrat, secumque rerum defert

E 2 semi

semina, qui & naturalem terræ calorem & fovet et excitat, & vivificat, & sese in eo multiplicat: semina rerum variarum pro terræ natura, capacitate, huc atq; illuc diffundit, ibi multa commovet, alterat, concoquit, extenuat, incrassat, mutat, foecunda facit, nova generat, corrumpit vetera. Hinc tanta rerum sub & supra terram varietas. Atq; hæc summaria summi Dei ministri actiones, ut scilicet motu suo sese mundo circumferat, secumq; lumen, calorem & spiritum vehendo, mundo infundat, & quæ à superis rerum acceperat semina, radijs suis disseminet, totumq; universum foecundet.

Cum Sole Luna motus æqualitate, figuræq; rotunditate convenit. Cum alijs astris neq; luce, neq; radiis

radiatione, scintillatione, lumine, non calore, neq̃ colore convenientiam habet ullam. Corpus enim quoddam compositum est & inæquale. In hac partes quædam obscuræ, ut terra existunt, aliæ ad ignis instar lucent, utræq̃ opacæ. (quod in solari Eclipsi publicum fit) nullum solari transitum concedunt lumini. Res hæc non immerito Orpheo, Thaleti, Heraclyto, & plerisq̃ alijs Pythagoricæ factionis Philosophis alteram terram Lunam statuere, causam præbuit. Siquidem terra æquè in aëre ac Luna in æthere pendet: non aliter ac Luna rotunda sit, non aliter ac Luna opaca, umbram ad Lunam usq̃ iaciat, quemadmodum & hæc totam terram obscurat. Habet terra ut & Luna obscuras aliquas & partes lucentes alias. Obscuras quæ aquis supereminent:

E 3

Vni

Vniuerso mari, lacubus, & fluminibus tectis luminosas. Non enim minus aqua superficie sua a Sole collustrata, quam ea Lunæ pars, quæ eius maculas tum circumdat, tum intercurrit, splendet. Quamobrem fortè non contra verum foret Lunæ globum alterum esse terræ globum cum aqua tota conglobatum, (qualis nostras hic globus elementaris) æthereum globum: Splendentes in Luna partes, aquam ætheream alteram asserere. Imò quid mirum si ibi, uti in nostra quoquè terra planities, montes & conualles, homines, animalia, plantæq; pulchriora tamen omnia, nostrisq; grandiora, & cum in puro æthere degant, vivaciora, illic habitent. Nec desunt, cur Lunæ globum alteram terram credamus, rationes aliæ. Quis enim dubi-

dubitet in æthere partem fœculen-
tam constituisse & crassam, in quam
veluti feces ætheris omnes condi-
toris iussu amanda_tæ. Quemadmo-
dum in hac mund parte elemantari
undequa_q fex omnis in hanc no-
stram confluit terram. Luna ergo
ætherea terra: Et terra nostra ele-
mentaris Luna esto. Nec frustra
terra Luna_q gemina a Deo condi-
ta: magna, enim quæ inter eas inter-
cedit sympatia, altera alteram fovet,
& utriusquè partes ut vivant,
ut conserventur, altera ab altera
suscipit. Ne autem frustra tot,
tanta, & tam pulchra Corpora fa-
brefactas stellas putemus, adde ani-
malia cum sint vita_q prædita, harum
quæ sint actiones intimus perpen-
dendum.

Astrologi de astris eorum_q
actionibus plurima pollicentur.

E

4

Orige

Origenes Coelum magnum naturæ
librum, in quo scripta omnia cuius
Character solis sapientibus notus,
appellat. Chaldæi à quibus astrorum
disciplina promanat, multa ex
his diu antequam evenissent præ-
dixisse notant historiæ. Posteritatis
tamen non æqua divinandi felicitas
artem & professores derisui expo-
suit. Contra quos ex antiquioribus
Platonicis Plotinus, è recentioribus
Marsilius feliciter pugnat, eorumque
rationes funditus evertere nititur.
Non tamen effectum est, quin adhuc
innumeri & sint hodie futuri in
posterum Astrologi: Tanta insita
humanis mentibus præsciendi avi-
ditas. Astrorum vires & actiones
nos Philosophicè venemur. Astra
omnium consensu corpora sunt,
hæc substantiæ, hæ vires habent,
in actiones vires prorumpunt: A-
gunt

gunt igitur. Actiones horum partim nobis notæ, partim ignotæ, ardent, calent, lucent, lumen effundunt, calefaciunt, notæ hæ omnes. Agent autem vel in se vel extra se? Vtroq; modo. In se quidem ut mutua sese juvent ope: Extra se agunt quam procul lumina jacere possunt. Non autem credibile est tam ingentia corpora, tot numero, tantaq; pulchritudine, unius tantum tam exigui, & tam deformis terræ corporis causa stellas creatas, quam nec lumen, nec calor earum attingit, præterquam unus Sol, qui lumine, calore, & seminibus omnium generator est. Difficile ne igitur creditu fuerit sydera cuncta in Solem vnum, Lunam unam, lumina, calores, & semina sua fundere, hisq; duobus ut generationum regionibus aëri, aquæ, atq; terræ proximioris

E s bus,

bus, vicarijs quasi uti & administris:
Primum enim lumen caloris ve-
ctor, calor & lumen seminum ve-
ctores & fluores, hæc omnia in sy-
dera ab eis deuecta: à syderibus
quidem lumen & calor in Solem:
In Lunā verò fluor dispersus: quæ
omnia ab his nobis contributa, ad
huc conservantur hodie. Hinc ca-
lor & lumen omne à Sole rerum ge-
neratore, temporum effectore, per
quæ omnis è suis seminibus, mani-
festis & latentibus rerum generatio
& renovatio pervenire sentitur.
Nam quæ nos cernimus semina in-
efficatia per se, ab occulto fœcun-
dantur semine, quod in humore il-
lorum habitat, qui dum à Lunæ lu-
minibus humorem cœlestem defe-
rentibus fovetur, vitalis est, donec
calor humoris illius comes a Solis
lumine foveatur, illud fovet, & spiritum
in

in eo vel præexistentem servat, vel
novum generat, vitalemq; efficit.
Sicut autem astrorū, ita Coeli astris
intermedij actio, eadem enim quæ
à superis in ipsum defluerunt, tum
in se fecundat, tum in alia ad nos
usq; transfundit. Et qualiter astra
lumen & calorem, & cum his quæ
in ipsis sunt semina, in solum trans-
mittunt Solem: ita intermedij Coeli
partes, cum simplices fluores sint,
eundem in solam effundunt Lu-
nam. Et sicut Sol ignis penu & quæ-
stor, lumen & calorem, & cum his
semina, in hunc elementarem trans-
vehit mundum: ita Luna in eundem
(unde humorum quoq; mater di-
cta) Cælestem effundit fluorem.
Hæc de Coelo, astris, horum es-
sentia, virtute actionibus Philoso-
phata sunt:

Athe-

Ætherea speculando peragra-
 ta regione, in hunc elementarem
 mundum nostrum descendamus.
 Hunc triplicem, alij aërem, aquam,
 & terram, his cum Hypocrate Ari-
 stoteles ignem, quem sub Luna su-
 praq; aërem constituit, adjecit quar-
 tum: Hic an verè sublunaris mun-
 di pars ratione perspiciamus. Ignis
 elementum si est è tribus ignium spe-
 ciebus, aut carbo, flamma, vel
 Lux, horum aut unus aut omnia
 futurus necessario. Si carbo, accen-
 sus foret, (extinctus enim amplius
 ignis non esset,) in se caleret, & con-
 jugem continuo excalefaceret aë-
 rem, qui & ipse cum symbolicus sit
 in ignem conversus, omnia iam con-
 flagrasset. Huc usq; id non evenit,
 nec ut eveniat in posterum metuen-
 dum, cum ab eo non calefiamus,
 non illuminemur, nullus igitur
 uti

uti carbo sub æthere ignis. Quod
si flamma est, ardet necessario, si ar-
det incendit, incendio cuncta car-
bone facilius materiam subeundo
feseq̃ augendo citius depascit: atq̃
ita jam dudum tria hæc elementa re-
liqua pessundata, inq̃ cineres reda-
cta fuissent. Sed cum adhuc qualia ab
initio condita, persistent, edacem nula-
lam sub Luna flammam agnosci-
mus. Quod si quis porrò hanc blan-
dum ignem, clementem benignamq̃
flammam asserat, alius is æther fu-
turus est, vel saltem naturæ æthe-
reæ; si æther alter, idem cum primo
futurus est; sin naturæ æthereæ, duo
futuri æthera, atq̃ ita frustra multi-
plicata entia. Prior de se protulit,
genuit, nutritq̃ astra: Alter otiosum
torpescet corpus. Otium autem ex
entibus eximit natura, eximit qui ni-
hil frustra facit Conditor Deus :
Qua

ZOROASTER

Quare nullus sub Luna æther,
 æthereaque extat natura. Non
 etiam Lux ignis futurus tertius:
 Luceret enim, edendoque Lumen
 inferna illuminaret, aërem quem
 complectitur, obscuritate prohibe-
 ret, noctes tenebrasque omnes de-
 pelleret. At in Lunæ Solisque
 defectibus, noctuque atrant cun-
 cta, profundæque vigent tenebræ.
 Nullus igitur, cum neque carbo,
 nec flamma, nec lux, sub Luna su-
 praque aërem sensu cognosci, nec
 Syllogismo possit colligi, ignem de
 Sphæra sua in perpetuum deturbe-
 mus, atque tanquam non ens existen-
 tia cuius uti nulla, ita nec scientia,
 rudibus fabris malleis inquiren-
 dum committamus. Eius autem
 in locum Aërem, quem antea cum
 æthere continuum diximus surro-
 gemus. In hoc natura bella sua
 exer.

exercet, secum contendit, pugnat,
in hoc tonitrua, fulmina, nubes, im-
bres, grandines, procellæ, turbis-
nes, mortalium terriculamenta &
mala plurima: circa terram immen-
so rerum globo quasi furit. Blan-
dius verò nobiscum æther agit: in-
ter se igitur diuersa, differentiores
quanto utriusquæ partes extremè
distantiores. Quæ enim à prin-
cipio suo longius recedunt loco, es-
sentia quoquæ perfectione & dig-
nitate recedant necesse longius.
Verum enim antiquissimum illud
Philosophorum decretum. Ele-
menta ubi sese tangunt similitudi-
nem aliquam naturæ habere, quam
Symbolum appellarunt. Cœ-
lum namq; ubi Empyreo continuum
Empyreæ aliquid raritatis habet,
& aliquid Empyreum Cœli densita-
tis: Et ubi Cœlum secundus attingit
æther,

æther, Cœlo similis est, ætheri Cœ-
 lum: Secundi verò æther tertius, &
 secundus tertij habet aliquid. Aer
 ubi tertium hunc æthera contangit,
 raritatis illius fit particeps: æther ab
 hoc aliquid densitatis mutuatur:
 Media aëris regio ratione prorsus
 eadem, de summa, imaç sui parte
 aliquid participat, utræç ab hac vi-
 cissim usu capiunt. In infima sui par-
 te densior crassiorç aer, ferèç a-
 queus: aqua superficie superiori
 aeræ raritatis particeps, in medio
 crassior, parte qua incumbit terræ
 densissima, quasiç terra: sicuti &
 ibi terra aquea ferèç fluida. Itaç
 aër tota sui constitutione æthere den-
 sior, suprema regione ætheri rarita-
 te similis, descensu densescit & cras-
 fescit, ita ut in fine aquæ crassitie
 densitateç respondeat. Atç hæc
 de Essentia substantiaç aeris quam
 qua.

qualitates sequuntur. Fluiditas, calor, raritas, tenuitas, perspicuitas: Per has corpus obtusum, cedens, tenerum, facile diuisibile, ductile, spargibile, facile discerptibile. Hæc quatuor à teneritate, tenuitas à cessione à raritate cessione, à vacui intermistis atomis raritas, quibus si caret, resistit maximè. Carebit autem si vel ipsi ex eo expellantur, vel ipse in eos compellatur: Vtrumq; alterius aeris superventu compulsiq; futurum, cuius compressi seseq; invicem impellentis tanta vis, ut non tantum leves aquas moveat, sed maxima maria attollat, saxa montesq; rumpat, cum populis Vrbes & Orbes evertat. Cedendi verò, impellendi, sustinendi, alijsq; contrarijs viribus à Conditore aer constitutus, vt per eum omnia in sublunari hoc mundo administrarentur, regerentur,

F

rentur,

tentur, animentur, foecundentur,
producantur, nutriantur, augean-
tur, perficiantur & deniq̃ conser-
ventur.

Inter aërem terramq̃ aqua e-
lementum medium, fluorem atq̃
humorem omnes testantur sensus,
Omnium enim maximè fluere perci-
pitur, ea quæq̃ tangit vel in super-
ficie, vel intra aliquantulum, vel e-
tiam humectat tota, quæ prima
ejus Essentia, primaq̃ essentialis pro-
prietas & actio. Proprijs hæc termi-
nis non figitur, sed fluit & dilatatur,
quousq̃ duri obvii corporis coërce-
atur terminis. Est & hæc ut cor-
pora alia omnia è primis illis princi-
pijs conflata. A spacio enim distan-
tiam habet, diafanitatem à lumine,
calorem à primævo calore, humiditatem
fluoremq̃ ceu feudum a pri-
mo

mo obtinet fluore. Aqua omnis in natura sua constituta, duorum apparet generum, falsa alia, cui amaror nomen mare dedit: dulcis alia, siue temporaria sit, ut pluvialis, siue ut fluvij, fontes, lacus, putei perennis. Est & quæ in subterraneis cavernis & barathris latet aqua, quæ falsa vel dulcis, aut diversi saporis judicata, vel alteri accedet aquarum generi, aut tertium per se constituet. Atque sic aquæ non unum, sed elementa plura. Id si absurdum videtur asseri, utram harum aquarum dicturi elementum. Si mare, cur non & subterraneas & superterraneas aquas, dulces aquas omnes? Si secundam, cur non tertiam & primam? si tertiam, cur non primam & secundam? si tota tria, quomodo tam diversa

F 2 inter

inter se genera, genus elementi unum constituent. Quemadmodum autem Logici Substantiæ & Quantitatis Categorias, primo in duo prima genera, quæ in subalterna ultimo in specialissima dispescunt. Ita nos in Physica aquæ genus unum in superterraneum & subterraneum, genera duo prima primo: prius rursus in duo, falsum & dulce, hæc vicissim in alia. Non dum tamen mare unum, non dum aquæ elementum unum. Ut igitur nodum hunc unico præcidamus ictu. Omnem aquam ubicunq; ea sit, aquæ elementum totum constituere decidimus. Nam qualiter aer in tres supremam mediam & infimam distinctus regiones, ætherq; unus à Chaldæis in tria distinctus æthera: pariter eadem aquæ tribui potest divisio: Ita ut quædam sit subterranea & infima, mare

mare locum capiat medium, lacus plerique & flumina supremum, quæ finem cursus sui in quod sese exonerant, mare habent: unde Aristoteles finem potius quam principium aquarum mare putavit. Sic itaque elementum unum aquam in regiones tres distinctam concludimus. Elementi huius pars principalissima, a quo superterraneæ & subterraneæ aquæ, omnes derivantur, Oceanus. Non enim ipse fontes ullos habet, sed ipse est fons & scaturigo reliquarum aquarum omnium. Licet autem veterum Philosophantium communi axiomate, primorum priores Causas inquirere vetitum. Dicimus tamen nos mare omne à principio usque à Conditorum factum, ut terram subiens in sal, quod semen rerum primarium omnium facilius faceretur: Inde tot

F 3

mine

mineralium, lapidum, & metallorum species, quarum omnium sal origo primaria, confectæ. Per terram verò postmodum collatum mare, lacubus, fontibus, fluminibus, puteis, dulcibusq; aquis omnibus ortu dato, potabile effectum, universis supra subq; terram vitam de gentibus usum impertiretur.

Cum mari terra globum constituit unum, hæc ut & reliqua, à principio fluida extitit. Fex enim illa per aërem & aquam in minutissimas concisa partes quaqua versum volutavit, cujus reliquæ atomi in aëre habitare cursitareq; in Solis spectantur radijs: nec minus in aquis quantumvis purissimis insunt, qua non agitata in fundo resident conspicui. Talis fex in aëre & aqua elementis à primordio volitans,

tans, verbo mentis conditricis in unum redacta locum, ex qua terra constituta. Quæ dum adhuc elementorum fex in atomis consisteret, pars floris erat, & ipsa simul fluebat. At conditoris imperio in vnum vocata locum, densata constitit, fluereq; desijt. Non tamen omnino primævæ suæ vestigia depofuit naturæ; vehementi enim igne (quod in cinere fornacibus vitarijs injecto conspiciamus) in fluorem vertitur, potentiaque semper, si non actu, cum pars ejus extera aëreo intima aqueo junct flori, fluor existit. Aqua verò semper actu ut flueret, & nunquam non flueret, à se tamen non diffunderet, proprijs cum non posset limitibus terra quasi carcere coercita est. Terra vero quia fex prius dispersa,

F 4

ne

ne iterum à se discederet, quo in se
 contineretur & consisteret, aqua o-
 pus habuit glutine. Inter Mundi inte-
 gralia autem corpora minimè terra
 simplex, maximè omniū composita,
 primò sensus instituit: Mox qui u-
 num illud supremum rerum omni-
 um principium solum simplex esse,
 reliqua vero entia ab hoc pro gradu
 suo uti unitatis, ita simplicitatis par-
 ticipia, obquæ id alia alijs compositi-
 ora, demonstrat ratio.

Hæc mundi eiusq; partium u-
 niversi deniq; totius facies. Mun-
 dus corporum omnium, quia mul-
 tis magnisq; occupatissimus, maxi-
 mum, quia sibi sufficiens, perfectissi-
 mum. Is itaq; ut in sua essentia per-
 fectioneq; perseveraret, superiori
 potentioriç natura incorporea ni-
 mirum

mirum carere non potuit, quæ ipsum penetrare non dedignata, singulas partes principes & minimas, contineret, vinceret, uniret: quæ licet incorporea, corpori tamen accommodata uniretur. Hæc autem aliud nil quam Animus: quo ut mundi corpus duraret, indiguit. Hic enim corpori dum adest, id animat, animando vitam præbet, vivificando motum impertitur, motu unit, uniendo vincit, vinciendo existit vinculum, hoc mundi partibus sympathian adfert, hæc passionem & actionem, hæc generationem ex qua corruptio, utraq; alteratione mutationeque perficiuntur. Sine hoc Animo iners totus jaceret mundus cadaver. Animus igitur hic quid, quotuplex, è quo corporum ne, an incorporeorum entium genere, ultimo itendamus animum. Corpus

F 5 nul

nullum per se subsistit, alterius eget
 subsistentia, ab alio movetur, mo-
 tus hic, actio, hæc à viribus, illæ
 ab essentia. Et quia in tempore
 movetur, motus temporarius,
 temporaria actio à viribus & essen-
 tia temporaria. Hæc autem quia
 partibilis, temporaria est: Id quia
 divisibile: Hoc quia trine dimen-
 sum: Hoc quia mole constat: Hoc
 quia non sine spacio. Hinc cor-
 pus actiones, quæ meræ passionēs
 sunt, obtinet, quod dum patitur, al-
 teratur, inde mutatur: Dum mu-
 tatur, amplius non est id quod fu-
 erat prius, atq; sic ea parte non ens
 fit. Hac ergo parte, est, illa non
 est. Ente igitur & non ente à se
 dissimilis efficitur. Corpus itaque
 in hoc universo hisce proprietati-
 bus reperto, in eodem contrari-
 um omnibus proprietatibus ens,
 repe-

reperiri necessitas, quod sibi semper simile sit, quod ens sit semper, quod non ens nunquam vel sit, vel fiat, semper sit quod erat, idem semper: Id autem quia non mutatur: Hoc quod non alteratur: Hoc quia non patitur: Hoc quia tantum agit: Hoc quia solum agendi vires: Hoc quia talem essentiam: Hoc quia non dividitur: Id quia partes nullas: Id quia trinè non dimensum: Hoc quia non moles, nec è mole, nec mole indiget ut sit in spacio: Hoc quia per se substat: Hoc quia incorporeum: Hoc quia corpori contrarium. Qua igitur ratione incorporeum jungi poterit corpori? Non per temperamentum: illud enim nunquam patitur, nunquam alteratur: Incorporea semper agunt: patientur semper ab illis corpora, alterabuntur, muta

mutabuntur, donec tota in non
ens abeant. Ut verò corpus serve-
tur, mundus conservetur, rerum
universitas constet, nunquam in-
corporea corporibus iungi oportet.
Corpus autem per se non subsistit,
ab alio igitur sustentabitur: id vero
corpus esse nequit, iisdem enim ege-
ret fulcris, quæ si quoque corpora,
progressus corporum à quo natura
abhorret infinitus. Non futurum
etiam incorporeum est: actione es-
nim corpus in nihilum redigeret,
eius ut contrarium iungi non posset.
Aliud igitur quod corpori salutem
adferat, corpori indi, quod actio-
nis beneficio, hæc autem contactus
medio fiat necessum. Id autem
non corpus nec incorporeum iti-
dem futurum, præter has enim na-
turas est quædam in universitate ter-
tia, inter has media: Incorporeo suo
pen-

pendens ab incorporea : ad corpus
 vergens corporeo , utrarumq̃ pro-
 prietatum particeps : Non ex extre-
 mis mista , non ex contrarijs tempe-
 rata , non è partibus composita , sed
 mirando modo hæc omnia. Incor-
 poreæ enim cum sit, incorporearum
 proprietates habeat necesse : non
 simplicissimas quidem illas , quales
 in vere incorporeis sunt , sed gradu
 inferiore. Omne namq̃ productum
 non cum producente, idem , sed ei-
 dem simile , quatenus ab eo identi-
 tatis quid aufert, evadit : Quia verò
 in alteritatem cadet , fit ei dissimile.
 Similitudinem ergo quandam veræ
 incorporeitatis habet , sed non sicut
 superiora vere incorporea : Illa ab
 omni corpore longe absunt ; hæc
 quia ab illis cadunt corporibus jun-
 guntur. Vt autem incorporeis simi-
 lis sit , fieri particeps illorum, iden-
 titatis

titatis opus. Fit autem si sui aliquid
incorporeum habeat, similitudi-
ne, qua illa accedat proxima. Mole
careat, sit imparibilis, indivisibilis,
impasibilis, inalterabilis, imutabilis
semper, & non ens nunquam. Qua
verò corpori jungatur assimilis
corpori sit, huiusquē conditiones
teneat necesse. Atque sic pro-
prijs conditionibus æterna, secun-
dis corpori proximis proprietati-
bus temporaria, aliquando in non
ens abitura. Et sic verè medius
inter incorporeum & ens corpore-
um evadit, quem nos appellamus
animum. Hunc cum Deus in-
tellectus Conditor conderet, om-
nes suas in eum transfudit propri-
etates, identitatis suæ illi tribuens
quantum animi in alteritatem ca-
sus secum auferre potuit. Fa-
ctus igitur animus rerum uni-
versitas

versitatis tota, sed animaria, sicuti intellectus intellectualis, vita universitas vitalis, essentia essentialis &c. At ut in Intellectu rerum formæ omnium fuerant suo modo: ita in animum eadem omnes rerum formæ suo gradu & ordine ab intellectu descenderunt. Per quas sicuti Intellectus intelligibilis, & mundus intellectualis erat. Sic animus mundus animarius factus, formis rerum omnibus gravidus non quidem accidentarijs (nullius enim accidentis superi hospites,) sed substantialibus. Atque sic animus entia omnia est, superiora tanquam eorum imago, inferiora ut exemplar: Essentia sua tota universitas entium est, modo nimirum animario. Vnum igitur est ab unitate sua, essentia ab essentia Intelligibili, ab Intel

Intellectu conditore Intellectus, quæ
omnia a superis Causis, a quibus
pendet, & sine quibus non consistit,
obtinuit. Postquam tamen produ-
ctus, in se unus est & unitatem ha-
bet, in se habet essentiam, in se vivit,
& est vita, in se intelligit, est intel-
lectus, est ratio, est rationalis, rerum
omnium essentielles inditas rationes
habet. Ab Ideis enim, per essentia-
am, per vitā, per intellectum in eum
descenderunt, ex eisq; suam essentia-
am constituerunt: similem quidem
illis, quia illorum secum abstulit ali-
quid identitatis: lisdem quoq; dissi-
milis, quia in alteritatem cadens ali-
us ab ijs factus, sicuti & ea quæ à se
producuntur, licet aliquid identita-
tis impetrent, propter tamen in alte-
ritatem casum, ab ipso evadunt
alia. Rerum autem procreatarum
ordo exposcit, ut quemadmodum
in men-

in mente aut Intellectu uno alij omnes : Vitæ in una vita omnes : In una omnes essentiae : Vnitates in unitate una : Entia omnia in principio Entium uno : Ita animo in uno animos esse omnes uti in proprio proximoq; domicilio. Horum alij supramundani , intramundani alij. Illi supra mundum corporeum : hi in mundo corporeo , illi sine corpore ullo , hi partum habent quid corporis , inter illos primus in quo reliqui consistunt animi animus. Intramundanorum animorum numerum , Munditotius animum , Dæmonicum , humanum atq; belluum , facimus quaternarium. Mundo animum esse & qualem hactenus : Nunc totus an verò ex parte vivat cum philosophantium varient sententiae dicamus. Mundi corpus totum ne una perfectum , imperfectum

G

Etum parte altera, hac vivat, mortuum rigeat parte altera; nullumque absque animo corpus honorabile, totum animum vivere profiteamur. Elementa etiam seu organa sint, sive inorganica vita animoque prædita. Id enim blattæ, & reliquæ quicquid plantæ, Zoophyta vitam à mundo obtinentia manifestè documento sunt: Absque hoc terra, aqua, aer, vitam indere alijs nequirent. Vnus mundo animus est, ita tamen ut partes eius principes proprios habeant animos, minoribus participantes, & hi minimis. Exemplo sunt stirpes quædam, quibus animalia innascuntur, vermes scilicet & varij insecta generis, animis prædita proprijs. In bove, in equo vermes nascuntur sæpè in eis dum vivunt bovis & equi animo vivunt, excreti non alieno sed proprio aliquan-

aliquandiu conspiciuntur vivere
anima. Atq; hæc de vniuersi ani-
mo.

Dæmones actus esse in confi-
nio mentium & animorum consti-
tutos natura suadet : alios puros
natura integros, rectæque volun-
tatis, castos Dei satellites bonos
quæ hominum duces : Alios ma-
la materiei germina depravatæ vo-
luntatis, impuros. Hi nonnun-
quam mentito corpore ludunt spe-
citra. Multoties etiam Dei iussu
permiffuq; procellis, turbinibus,
fulguribus, terræ motibus, fame &
bello, morbis præterea impietatem
ulciscuntur hominum. Multi sunt,
& quasi exercitus quidam chori,
nulla his mundi pars vacua, in hunc
propriæ actionis sementa adulta-
ria, homicidia, sacrilegia, impietates
G 2 & quæ

& quæ sunt alia malorum dæmonum opera jaciunt. Humanus animus divinus prorsus est, æterna & intellectualis essentia, semper mobilis, semperq̃ movetur, alijsq̃ motum impertitur, per quam rationem immortalis. Corporeitatis enim expers, qua si forte prædita intellectu & ratione careret. Corpus enim amens est, accepta essentia animal spirans fit, is spiritus corporis est. Ratio vero Essentia pulcri contemplatrix. Sentiens spiritus apparentium index in organicos sensus dispescitur. Pars enim huius quædam spiritualis visio, spiritus audiens, odorans, gustans, tangens. Hic elatus ad dianiam iudicat sensum. Ratio autem essentiæ est id quod sapit. Rationi coexistit cognitio, spiritui verò opinio. Ad dianiam opinio & sensus fertur. Adit

Adit ratio essentiam. Intellectio per ipsam it. Implicatur dianeæ intellectio in se vero invicem transitu una Idea fiunt. Animus hic humanus corpori immersus capto cuidam & cubiculo incarcerato persimilis, est qui ita inclusus non aliam habeat fenestram per quam foras respiciat quam vitream, nec alia quam quæ vitrum patitur intueri: valeat si nitidum id sit & pellucidum, clarius, si obductum pulvere, obscurius cernat. Non tamen ignoret is, obstare sibi vitrum quo minus res clarius cernat ac apertius. Ita & in corpore licet mens ducatur à sensibus, crebros tamen horum lapsus ratione fulcit ac corrigit, & licet instrumento utatur, supra omnem tamen materiam sese attollit humanus animus.

G 3 Animi

Animi in rationalem & irrationalem distinctione brutis rationem omnem ademerunt, nos à suspecta hac autoritatis sententia, ad rationis tribunal appellemus. Animus omnis ab intellectu: sine medio quomodo à mente, productrice res amens proveniret? Si non à mente a mundano saltem animo, is etiam maxime totusque rationalis. Ab eo belluinus genitus excidat quidem à causæ identitate in alteritatem, at identitatis aliquid secum auferet, similisque causæ, gradu tamen demissione extiturus: Ergo non ratione vacuus. Sacer codex dictatu Spiritus Domini exaratus, brutis aliquando intellectū ut mulo et asino adimit aliquando ut lob. 38. c. quis Gallo intelligentiā dedit? rursus restituit. Pone intellectu bruta in sacro Codice omnino privari ratione

tamen

tamen carere cum res diversissimæ, nunquam in eo scriptum ostenderis. Potius asino & bovi tribuitur cognitio : Formicarum prudentiam imitari iubet Sapiens. Ἀλόγον quod non est κατὰ λόγον triplici apud Græcos, quod ratione, quod sorte rationis oratione, quod animi dialogo caret in significato. An verò uno horum pluribus aut omnibus bruta careant omnia perquirendum. Omnia videntur lingua sua loqui, præter pisces & reptilia, quæ voce destituntur orationis materia. Ranae crocitantando & inter se & nobiscum (lingua sua, voce non qualis hominum syllabis dearticulata) loquuntur, pluviasq; prædicunt. Locutio animi per vocem expressio. Quadrupedum ferè nullum mutum, habent suos, sua in specie latratus, hinnitus,

G

4

bala

balatus, nitritus, mugitus, rugitus, similesq; alias voces, quibus animi passiones exprimunt, forte etiam commodiore quam inter homines sermonis usu. Equorum una species suo hinnitu per universum sese intelligunt orbem. Homines pro locorum varietate nova opus habent sermonum disciplina. Internorum horum ratiocinium quod attinet animantia bruta animi dialogo aliquo uti videntur, id quod ex eorum actionibus manifestè præhæditur. Grues cum Pygmæis pugnaturs acies instruunt, vigilias instituunt, celebrant iudicia, de adultæris severum exigunt supplicium. Apum quis non sapientem mirabitur Rempublicam, inq; mellificio operam ita variam? Terrestrium, serpentium, marinorum, aëreorum nulla ferè species, quæ ad utilium
adept-

adeptionem, & ad noxiorum fugam ratiocinio uti non ostenderit : Multis miranda quædam in præsentando & sentiendo sagacitas, ut vasrum quemq; superent virum. Mirare hic mecum qui nuperrimè vixit nomine & re Alacris Canis mei in salute morteque ægris prædicenda miram dexteritatem : Is me ad ægros comitatus dies aliquot ante quam æger periturus fuerat (alias semper mihi proximus) ne vi quidem intra patientis limen impelli potuit, adeo sine regulis me perfectius iudicavit. Clare itaq; apparet animos brutorum non tantum dialogos, sed ut Plutarchus ait Syllogismosnectere. Quarè cum Pythagora concludimus, publica oratione vel latente ratione utentia nequaquam irrationalia : Priora esse talia omnia sensu & memoria prædi-

G 5 ta,

ta, bruta nulla sunt quæ aliqua non polleant memoria, quin proficuum & noxium recordentur, Hoc est priorem terminum sensu perceptum cum superiore iungere: Hoc animi intra se syllogisantis munus. Sensus autem qui se in memoriam effundit suaquæ imagine eam figurat, procul dubio cognitio est: Hæc ab intellectu primario in res omnes inferas descendit. Verissimum enim Strationis illud: Nihil vivere sine sensu, nihil sentire aut cognoscere sine intellectu. Quod si quis cum Aristotele inferat, tales brutorum actiones humanæ esse imagines prudentiæ à ratione & animo non proficisci, sed mera naturæ opera. Esto natura in eo in quo est motus & quietis principium est, hæc duplex, Materia & Forma. Materia ne in causa est, quod

quod vulpis in transitu fluminis ge-
lu obducti Syllogiset utrum vel non
tota eius aqua concreta, factoquē
syllogismo transeat vel referat pe-
dem? At materia rudis, imperfecta,
& ignobilis tam exactam nequit in
animalibus facere differentiam. Id
ergo altera natura rerum perfe-
ctrix forma effectura, quæ in ani-
malibus animum constituit. O-
mnis itaque animus, Intellectus
proles, vel mundani animi portio.
Vnde quocunque id intelligitur
modo (maneat & servetur hu-
mano præexcellencia & dignitas a-
nimo) animum omnem rationa-
lem statuimus. Communicant ani-
mæ divinæ cum humanis, humanæ
cum animabus brutorum: Cu-
ram gerunt præstantiores mino-
rum, divinæ hominum, homines ve-
rò brutorum, Deus autem omnium.
Nam

Nam ipse omnibus maior, ipso cuncta minora: mundus subiacet ipsi Deo, homo mundo, bruta homini. Mundus omnium specierum theatrum: distincta sequuntur genera suas species: Mundo suo hæc similes species procreant. Quamvis autem genera omnia immortalia, species tamen non omnes immortales. Divinitatis enim genus & species immortalis: Reliquorum genera, quorum æternitas genus, quamvis per species occidant, nascendi tamen fecunditate servantur. Ideoque species mortales sunt, ut homo mortalis sit, sit immortalis humanitas. Horum omnium generum quæ sunt animalia de super, deorsum radices provenientes habent, animalia de imo in superna viva radice sylvescunt. Humanum genus cunctorum divino quodam corporis ami-

amictu perfectissimum, immortale
 simul q̄ mortale, præ cæteris mentē
 nactum simpliciorem, orationem di-
 stinctiorem. Adorandum hoc Dei
 simulacrum una eius parte simplici
 divinitati quam similitimum, munda-
 no hoc quo sepitur corporis muro,
 non ita planè constringitur, quin a-
 liquando ruptis compedibus, velo-
 cissime, ingrediatur Indiam, celerri-
 mē Oceano sese immergat, Cœlum
 absq̄ alis sine impedimento & mora
 conscendat. Cœlestium nemo Cœ-
 li desertis limitibus terram adit. A-
 nimo & corpore æterna & mortali
 Homo natura constant, utiq̄ origi-
 ni suæ satisfacit, miratur oratq̄ Cœ-
 lestia, colit gubernatq̄ terrena. Cœ-
 lestia quoniam ex essentia immista
 constant immortalia. Ob materi-
 am quam nactum instabilem & dis-
 fluam, mortale & dissolubile huma-
 num

ZOROASTER

94

num genus: quare continuo multo
adiumento indignum, similibus in
in dies subeuntibus re corporascit
elementis. Indefinienti namque terrae
aquae, aerisque influxu, quod depa-
stum reponitur, quae motu diurno
dissipatae & perditae vires, noctur-
no reficiuntur somno. Parte vero
altera incorporeum, in corporis cu-
stodia perpetuo contineri nequit.
Qualiter enim eum quem ex aere in-
spiramus, ac in eundem rursum re-
spiramus spiritum: Ita & vicissim
superis, à quibus humanum impe-
travimus reddimus animum. Dis-
solutio haec mors dicitur, non eo-
rum quae coiere perditio, sed unia-
torum saltem disiunctio: Plebē haec
terret ut malum rei ignoratione ma-
ximum: Terribiliorem ea quae in no-
bis vegetatrix existit, corporeque gau-
det, efficit. At haec Philosophis solaa-
tio pos-

tio potius sit. Paratum enim nobis
sciamus exantlatis laboribus morte
refugium, quo passis velis tendim⁹,
si aliquando resiantibus ventis reij-
cimur, eodem tamen paulò tardius
referri necessum, in hac mali nihil. Ita
filium ante obitum consolaturus di-
vinus ille Hermes in hunc modum
allocutus est. Haftenus mi fili à pa-
tria vixi peregrinus & exul, nunc
incolumis patriam repeto. Cumq̃
post paululum à vobis corporeis
vinculis solut⁹ discessero, ne me qua-
si mortuum lugeatis, nam adopta-
tam beatamq̃ illam Civitatem regre-
dior ad quam universi Cives mortis
cōditione venturi. Ibi nāq̃ solus Deus
est sum⁹ Princeps, qui Cives suos
replebit suavitatem mirifica. Quo hæc
quam multi vitam existiment, mors
est dicenda potius, quam vita. Hæc
ille. Viam sibi ad Olympū anima ster-
nit

nit Dei cognitione, scelerum expiatione. Exuto corpore in seipsum recurrit animus, indumentisq; purgatus cum divinæ naturæ sit propria illico igneam induit tunicam, & quæ non poterat ante divina speculari (veluti passer culus pede humo alligatus volare incipiens funiculo in terram retractus) iam libera molesti corporis carcere, intelligibili similis effecta non distinctis amplius, sed contractis sensibus, tempora, loca, quantitates, qualitates, ipsumq; Intellectum primum Deum intelliget. Quæ si pia fuerit dæmon Deaq; quædam efficitur, inq; Elysij campos vecta, summa & æterna lætitia afficitur. Sin in Deum impia corporisq; illecebris dedita in propria permanet essentia, devioq; itinere in obscurum locum rapta, perpetuo anxia malæ conscientiae editur vulture.

ture editur. Hanc verò è corpore in
brutū aliquot meare, ibiq; scelerum
pœnas exolvere, cum humanus a-
nimus, à tanta fervetur, Dei lege
contumelia, meritò Pythagoræ con-
tradiciamus.

Festina itaq; ad lucem, & unde
egressus paterna lumina, oculos
furfum tolle, ne pronus esto in mor-
talem profunditatem, in mundum
nigricantem, squalidum, amena-
tem, idolatrum, præcipitosum, tor-
tuosum, cuncta tenebris involven-
tem, humanæ naturæ partem in te
despice, divinitati confide, spes te nu-
triat igneæ angelicæ regionis, Cur
temer tradis in mortalitatem, habens
potestatem immortalis fieri? discedi-
to qui in errore incessisti & com-
municasti cum ignorantia, discede à
tenebroso lumine, immortalitatis esto

H

partis

particeps, deferito corruptionem,
 deorsum ne pronus, præcipitium in
 terra subest, sub hac terribilis ne-
 cessitatis thronus, tu ne fatum auge,
 ne spiritum macula, neq; materiæ
 relinque quisquilijs, ne exiens se-
 cum auferat sordidi quid corporis.
 O audacissimum naturæ homo ar-
 tificium, ingentes terræ mensuras
 menti tuæ ne impone, plena terra
 mendacio, Solem ne mensura regu-
 lis, Luna astraq; perpetuo progredi-
 untur æterno consilio non tui gra-
 tia, desine curare auræ strepitus: vas
 hoc tuum terræ habitabunt bestiae,
 cum terra quæ tot pulchra nutrit ac
 parturit, & de te bene merita com-
 misceri. Animæ faciles solutu sunt,
 quare paradysum quære, nil mortu-
 le habes, totus divinitate ebrius, quæ
 re unde effluxisti animæ tuæ cana-
 lem. Dei autē soboles cum sis, ô Ani-
 ma ab

ma, ab eo quasi in exilio & carcere
segrata, adorato hunc, quo hinc
liberata revertaris ad Patrem, alio
quin eorum similis futura, qui pa-
rentum patrociniis orbat. Profes-
cto cum universi pars sis, universo
indiges, ipsa enim ad totum conver-
sio salutem partibus prestat. Com-
pertum est excellentissimos quosq;
apud omnes gentes sapientia viros
superos unico virtutis nomine ve-
neratos esse. Sola adoratio recta
animos beatæ patriæ reddit. Sola
sanctimonia est plena virtus, solus
vir bonus, ut Plato de legib: Deum
feliciter precatur, ab hac flagitiosi o-
mnino alièni tanquam prophani à
votis & sacrificiis arcendi. Tu ergo
cui curæ pietas Deo lita, atquè me-
cum conditoris in laudem Ter Ma-
ximi Hermetis lyram ita pulsato.

H

2

Omnis

Omnis mundi natura excipiat
hymni auditionem; aperiatur terra,
aperiatur mihi omnis vectis pluviae,
arbores ne tremite, celebraturus
sum hymno Creatorem Dominum,
& universum & unum, aperiimini
Coeli, venti sistimini, circulus im-
mortalis Dei suscipiat sermonem
meum. Sum enim celebraturus eum
qui condit omnia, qui terram fixit
& Coelum suspendit, & iussit ex
Oceano dulcem aquam in Orbem
terrae habitabilis & inhabitabilis ri-
vare ad nutritionem omnium: qui
iussit ignem lucere ad omnes actio-
nes Dijs atq; hominibus. Demus
ipsi omnes laudem, qui super Coe-
los est sublimus, qui totius naturae
est Conditor, iste est mentis oculus,
& suscipit potentiarum mearum lau-
dem. Potentiae, quae in me estis, lauda-
te unum & universum, Concinite

omnes

omnes quæ in me estis potentia.
Cognitio sancta illuminatus à te, per
te intelligibile lumen laudans lætor
in mentis gaudio. Omnes poten-
tiæ laudate mecum, & tu mea con-
tinentia celebra. Per me cane veri-
tas veritatem: communio quæ in
me es universum celebra: justitia
mea iustum cane per me: bonum
cane bonum. O vita, ô lux, à vo-
bis in vos transit celebratio. Gra-
tias tibi ago ô Pater actus potentia-
rum, gratias tibi habeo Deus po-
tentia actionum mearum, tuum ver-
bum per me laudat te, per me ô Vni-
versum suscipe verbale Sacrificium.
Sanctus Deus Pater universor-
um, Sanctus Patris Genitus
cuius consilium ad finem deduci-
tur; Sanctus Deus, quia cognosci
uis & cognosceris a tuis. Sanctus es
qui verbo constituisti entia omnia,

H ; sanctus

Sanctus es cuius universa natura
imago est, sanctus es qui Omnipoten-
tia es fortior, sanctus es qui om-
ni excellentia es maior, sanctus es
qui omnes superas laudes, suscipe
loquelæ sacrificium purum, ab ani-
mo & corde ad te intento. O indici-
bilis, ineffabilis, petimus ne aber-
remus à cognitione nostræ essentiae,
annue mihi & corrobora, & gratia
hac illumines eos qui sunt in igno-
rantia generis mei fratres, filios ve-
rò tuos. Ideo credo tibi & testis-
monium do in vitam, benedictus es
Pater, tuus homo tecum sanctificari
vult, pro ut ei tradidisti omnem po-
testatem. Hæc vociferantur poten-
tiæ quæ in me sunt, tuus homo hæc
clamat per aërem, per aquam, per
terram, per opificia tua. Patrem ne-
queunt liberi pro dignitate celebra-
re, id tamē quod possunt decēter red-
dunt

dunt eoq̃ veniam impetrant. Ac
hoc ipsum gloriæ tibi est Deus, ma-
jorem te cunctis creaturis, hoc sit
proemium, medium, & finis cele-
brationum, fateri Patrem infiniti
potentem. Ab æterno laudem
hanc inveni, scio voluntate tua lau-
dem hanc dici, dico tibi hæc, o Ge-
narcha generationis, susci-
pe verbale sacrifi-
cium.

F I N I S.



LIBER HIC NO- STER ORATIONE

fuit continua, caret ad marginem
notis : Occupationibus ne tua
multuariae lectionis desit occa-
sio rerum loca indicamus.

A

- Aer totus fluidus, Caelo similis & continuus f. 37.
Substantia & natura eius quæ. f. 63. 64. 65.
Animo in uno reliqui omnes, Supra mundani Intramun-
dani alij: generum hi quatuor f. 81.
Omnis ab Intellectu animus f. 86.
Intellectus proles, mundani animi portio f. 91.
Anima viam ad Olympum sibi sterit DEI cognitione,
scelerum expiatione : pia si sit DEA quædam effici-
tur, Elysio in campo locatur. Impia devio itinere in ba-
rathrum raptæ æternum cruciatur, f. 96.
nequaquam subit brutum. f. 97.
Aqua Elementum medium, fluor, actio ipsi propria hu-
medtare f. 106.
Dulcis, salsa alia : f. 67.
Superterranea quædam & subterranea f. 68.
Omnium fons Oceanus, f. 69.
terra quasi carcere coërcetur. f. 71.
Areopagitæ finitio amoris. f. 3.
Astra inter nostrum & divinum igneis medij f. 36. 38.
Perpetui

INDEX.

perpetui	f. 40.
ignem contingere ut possint compactiora corpora,	f. 38.
non orbi infixa, sed vi propria peridula,	f. 39.
Anima prædita,	f. 44.
Institis viribus circa proprium girantur centrum	f. 40.
Lumen, calorem & semina in Solem transfundunt qua ipsis actio	f. 39.
Æther ab ardore dictus, qua Empyreum & Elementa contangit finitus, similis, per intervalla ardet,	f. 30.
Parte tantum densiore	f. 38.

B

Bonum quod sibi sufficit	f. 9.
Cuncta appetunt intelligibile,	f. 10.
Cunctis præsens movet.	f. 12.
Brutis non rectè rationem adimi.	f. 36.
cum sacra litera tribuant.	87.
Præter pisces & reptilia nullum mutum	f. 88.
loquuntur ferè omnia	f. 87.
Animi dialogo utuntur	f. 88.
noxia fugiunt, insequuntur grata, præfagiunt, memo rantur.	f. 89.

C

Calor principium tertium, ignis soboles	f. 24.
Cælum Empyreici pars,	f. 32.
eidem continuum	f. 33.
perfectum, in se omnia habet.	f. 34.
immobile,	35.
simplex fluor, quem Luna transmittit,	f. 59.
H 5	Cælestia

I N D E X.

Cœlestia immortalia. f. 94.
Corpora omnia per spaciū trine dimensa, visibilia per
lumen, per calorem viventia, fluore renitentia, f. 26.

D

Dæmones duum generum, integræ naturæ, puri alij: im-
probi & corruptæ voluntatis alij f. 83.

E

Empyreus mundus extremus, infinitus ad extra: finitus
elementa versus, similis f. 30.
unus, continuus f. 33.
DEI imago, f. 28.
mentium hospitium. f. 29.
Essentiam sequitur potentia, has operationes, quas
opera f. 5.

F

Fluor quartum universi principium, prisci aquam
dixere, f. 26.
superna infernaq; hoc constant. f. 27.

H

Humanus animus divinus, f. 84.
corpori immersus, incarcerationi similis f. 85.
Humanum genus cunctorum perfectissimum. f. 92.
mortale & immortale. 93.
Hermetis Trismeg: Hymnus f. 100.

I

Ideæ Conditōis conceptus primi, typi mundi, extrema
mediaq; Entia nectunt f. 13.
entium capita & causæ. f. 14.
differentes f. 16.
igni

I N D E X.

Ignium tria genera: f. 30.
 species totidem, f. 60.
 nullus sub Luna f. 61.

L

Lumen alterum vniversi principium, spacio natura vicini-
 nam, ipsi inditum, f. 23.
 primæ lucis actus, cuncta permeat, semina rebus cum
 calore invehit. f. 94.
 Luna soli motu, figuraq, similis: astris reliquis dissi-
 milis 52.
 corpus inaequaliter compositum, opacum f. 53.
 aetherea terra f. 55.
 humorum mater f. 59.

M

Mare salsum à principio, optimi finis causa conditum. f. 69.
 Mentium ordo triplex, triplici Conditorum ordini ana-
 logus. f. 5.
 Mors unitorum solutio non perditio plebem, terret, solae
 men Philosophis f. 24.
 nil in ea mali. f. 95.
 Mundus a DEO creatus infinitus, f. 73.
 animoq, donatus, f. 82.
 magnum animal, reliqua complectitur f. 15.
 à supernis causis participat: Intellectualis animarius
 Elementaris altus. f. 8.

N

Natura mundi vita. f. 17.

O

Orbes concentrici & excentrici nulli L. 36.
 Patria

I N D E X.

P

- Patris Filij Spiritusq; Sancti differentia & indifferentia*
quæ f. 2. 3.
Planeta ob motum varium erronee ducti, numero quinq;
quæ sunt. f. 45.
Magnitudine, figura situq; differunt. f. 47.
reliquis stellis interpositi, f. 48.
æquæ à terra distant omnes, f. 49.
medio inter reliqua astra et terram feruntur motu. f. 45.
Providentiæ satellites, vniuersi præsumt harmoniæ. f. 49.
Principium DEVS multipliciter. f. 17. 18.
Principia vniuersi quatuor. f. f. 18. 19. 20. 21.

Q

- Quies motu perfectior.* f. 34.

S

- Spiritus sanctus Mens opifex.* f. 5.
Sol vniuersi Cor, mens animus, natura Numen f. 49.
Summi boni Soboles : corporeorum ignium ignis
primus f. 50.
seminum delator, rerum parens f. 51.
Lumine calore & seminibus omnium generator, f. 57.
temporum effector, 58.
ignis penu. f. 8.
Spacium primum Vniuersi principium DEVS ante En-
tia & in hoc omnia creauit, f. 18.
vacuum ei proprium, f. 19.
extensio existit Hypostatica f. 20.
maximè omnium substantia f. 21.

Immo

INDEX.

immotum, f. 22.
totum, omnia occupat, simile. f. 23.

T

Terra cum Mari globum constituit f. 70.
elementaris Luna, f. 55.
ex atomis concreta: uti prius actu, ita nunc potentia
fluor, f. 71.
mouetur f. 41.
non vi sed natura sua, f. 43.
ab occasu in ortum, f. 45.
circa centrum sibi posita. f. 42.

V

Vniuersi, simplex, improductum, vnumq; principis
um. f. 1.



LECTORI

VNice desiderabam Lector chartas haf-
ce omnibus numeris distinctas absolu-
tas & prodire: at nostri hominum insci-
tiam, negligentiam. In singula inquirere ob-
ardua nobis non licuit: grandiora saltem pec-
cata notare libuit. Penes delinquentes igi-
tur uti culpa, ita sit infamia:

LEGITO

	Caput Captu	fol: 9, lin: 16.
	Iungitur, iugiter	f. 13 l. 1.
	Habeant, habent	f. 10. l. 1.
	Bpnum, Bonum	f. 24. l. 2.
	Consurgit, Contangit	f. 33 l. 4.
Pro	Hic, his	f. 44. l. 1.
	Chaldaei, Chaldaeos	f. 56 l. 4.
	Qui, quæ	f. 72 l. 6.
	Corpus, corpore	f. 74. l. 19.
	Imparibilis, impartibilis.	78. l. 4.



NOBILISSIMIS, CLARIS-
SIMIS QVE VIRIS. D. D. SA-
MVELI MOSBACHIO. I. V. DOCT:
ANDREA CASPARO AB EBELEBEN

Magni Friderici VVilhelmi Ducis &

*Administratrix Saxonie Sen-
natoribus. S.*

D. I E S S E N I V S.

VOta DEO, Viri Nobiles, Senatores
grauissimi, vetulæ prisci homines Ec-
clesiæ persolutori, non ipsi, sed quibus
id cælitus incumberebat oneris Sacerdotum
peregisse opera, nostis ex Leuitico. Hu-
manos nostros hodie factus Christo sacro Ba-
ptismi fædere deuouendos, per susceptores
ceu obsides & predes decentissimo Ecclesiæ
ritu DEO corâ statuimus. Ingenij hunc
partum meum cui nam vouerem, deuoue-
rem, consecrarem? potius? quam vni soli?
Magno Friderico VVilhelmo Principi, Mu-
sarum Germaniæ Numini. Vos ergo, vos
inquam ego æquitatis voco Pontifices, ex-
soluite votum: Musæ simul date nostræ fidem
securi nomine. Non faller: nacta Halcyo-
nia ornabit spartam: tota
Principis futura
est. Viuite.

